


駱子集註



新刊駱子集註卷之二

知舒城縣事閩漳後學陳魁士註釋

教諭麗水劉大烈

訓導館陶王無違

江陵孫大貴校正

門生

金鳳 王亮  
徐相 夏昌

潘懋南 祝可教  
程中孚 劉咨益

趙襄 同校  
祝子陞

五言排律

浮查詩 有序



而委根險岸託質畏途上為疾風衝颺所摧殘下為奔浪  
迅波所激射基由壞枯勢以地危

畏途見高四篇  
衝颺見螢火賦

豈盛衰之理繫乎時封植之道存乎我一隊泉谷萬里飄  
淪與波浮沈隨時逝止雖殷仲文嘆生意已盡孔宣父知  
朽質難雕然而遇良工逢仙客牛礪可託王璜之跡非遥  
匠石先談萬乘之器何遠故用與不用時也悲夫

殷仲文古樹見在獄詠蟬序唐玄宗謚孔子文宣王呂  
望釣于牛礪得一魚剖之有玉璜丹書文曰周受命呂  
封于齊仙客見贈高四篇仙查註在子人間世篇匠石  
之齊至于曲轅見櫟杜樹其大蔽牛繫之百圍其高臨  
山十仞而后有枝其可以為舟者旁十數觀者如市匠  
石不顧遂行不輟弟子厭觀之走及匠石曰自吾執斧

斤以隨夫子未嘗見材如此其美也先生不肯視行不  
輟何耶曰已矣勿言之矣散木也以為舟則沈以為棺  
槨則速腐以為器則速毀以為門戶則液漏以為柱則  
橐索是不材之木也無所可用故能若是之壽匠石歸櫟  
社見夢曰女惡乎此子哉若將比子於文木耶夫相梨  
橘柚果蔬之屬實孰則剝則辱大枝折小枝泄此以其  
能若其生者也故不終其天年而中道夭自培擊於世  
俗者也物莫不若是鄒陽上吳王書曰臣聞明月之珠  
夜光之璧以暗投人於道無不按劍相盼者無因至前  
也蟠木根抵輪困離奇而為萬乘器者何則以左右為  
之先容也故無因至前鮮隋珠和璧祇足結怨而不見  
德故有人先談則枯木朽株樹功而不忘

然而知萬物之相應感者亦奚必同聲同氣而已哉感而  
賦詩貽諸同志云耳

易曰同聲相應同氣相求水流濕火就燥雲從龍風從  
虎聖人作而萬物覩本乎天者親上本乎地者親下蓋  
各從其類也又曰上下交而其志同也禮合志同方

而委根險岸託質畏途上為疾風衝颺所摧殘下為奔浪  
迅波所激射基由壞枯勢以地危

畏途見高四篇  
衝颺見螢火賦

豈盛衰之理繫乎時封植之道存乎我一隊泉谷萬里飄  
淪與波浮沈隨時逝止雖殷仲文嘆生意已盡孔宣父知  
朽質難雕然而遇良工逢仙客牛礪可託王璜之跖非遥  
匠石先談萬乘之器何遠故用與不用時也悲夫

殷仲文古樹見在獄詠蟬序唐玄宗謚孔子文宣王呂  
望釣于牛礪得一魚剖之有玉璜丹書文曰周受命呂  
封于齊仙客見贈高四篇仙查註莊子人間世篇匠石  
之齊至于曲轅見櫟社樹其大蔽牛絜之百圍其高臨  
山十仞而后有枝其可以為舟者旁十數觀者如市匠  
石不顧遂行不輟弟子厭觀之走及匠石曰自吾執斧

斤以隨夫子未嘗見材如此其美也先生不肯視行不  
輟何耶曰已矣勿言之矣散木也以為舟則沈以為棺  
槨則速腐以為器則速毀以為門戶則液漏以為柱則  
橛索是不材之木也無所可用故能若是之壽匠石歸櫟  
社見夢曰女患乎此子哉若將比子於文木耶夫相梨  
橘柚果蔬之屬實熟則剝則辱大枝折小枝泄此以其  
能若其生者也故不終其天年而中道夭自培擊於世  
俗者也物莫不若是鄒陽上吳王書曰臣聞明月之珠  
夜光之璧以暗投人於道無不按劍相盼者無因至前  
也蟠木根抵輪困離奇而為萬乘器者何則以左右為  
之先容也故無因至前雖隋珠和璧祇足結怨而不見  
德故有人先談則枯木朽株樹功而不忘

然而知萬物之相應感者亦奚必同聲同氣而已哉感而  
賦詩貽諸同志云耳

易曰同聲相應同氣相求水流濕火就燥雲從龍風從  
虎聖人作而萬物覩本乎天者親上本乎地者親下蓋  
各從其類也又曰上下交而其志同也禮合志同方

昔負千尋質高臨九仞峯貞心凌晚桂勁節掩寒松忽值  
風颺折坐為波浪衝摧殘空有恨擁腫遂無庸渤海三千  
里泥沙幾萬重似舟飄不定如梗泛何從仙客終難託良  
工豈易逢徒懷萬乘器誰為一先容

爾雅八尺曰尋倍尋曰常四尺曰仞書為山九仞顏師古孔安國皆以八尺為仞巴咸鄭康成以七尺為仞應劭漢書註以五尺六寸為仞晉書契寒松而立節吳書王蠋建寒松之節莊子逍遙篇惠子謂莊子曰吾有大樹人謂之樗其大枝擁腫而不中繩墨其小枝卷曲而不中規矩立之塗匠者不顧今子之言大而無用衆所同去也莊子曰子有大樹患其無用何不樹之於無何有之鄉廣漠之野傍徨乎無為其側逍遙乎寢卧其下不夭斤斧物無害者無所可用安所困苦哉山海經東海之別有渤海南海之別有漲海西海之別有青海北海之別有瀚海余俱見上文

### 春霽早行

年華開早律霽色蕩芳晨城闕千門曉山河四望春御溝  
通太液戚里對平津寶瑟調中婦金壘引上賓劇談推曼  
倩驚坐揖陳遵意氣一言合風期萬里親自惟安直道守  
拙忌因人談器非先木圖榮異後薪柳榆慙路鬼樵悴切  
波臣玄草終疲漢烏裘幾滯秦生涯無歲月岐路有風塵  
還嗟大行道處處白頭新

律見司馬樓陵仄註四望見崔駰馬篇御溝見閻五官篇溝水註在長安漢武帝於建昌宮北治大池曰太液言津潤所及廣也戚里貴戚之里字見高四篇爵里義同公孫弘拜相封平津侯梁武帝狹斜行洛陽有曲陌曲陌不通驛忽遇二小童扶轡問伊宅我宅邯鄲右易憶復可知大息組緼中息佩陸離小息尚青綺總角

遊南坡三息俱入門家臣拜門垂三息俱升堂昔酒盈  
千危三息俱入戶內有光儀大婦理金翠中婦事玉  
鐫小婦獨間暇調笙遊曲池丈人少徘徊鳳吹方參差  
金壘見陳文林詩東方朔字曼倩善諧謔談論陳遵字  
孟公名望一時衣冠懷之惟恐在后時列侯有與遵同  
姓字者至門坐中震動既而非孟公因號陳驚坐云意  
氣見高四篇因人先木見上篇先容註汲黯為九卿公  
孫弘張湯為小吏及弘湯稍益貴與黯同列后又尊用  
過之黯褊心不能無小望見上前言曰陛下用群臣如  
積薪后未者居上上然然晉有為太守者羅友后至相  
溫問之對曰路逢鬼椰榆曰見女送人作郡不見人送  
汝作郡波臣見上裴侍郎詩漢哀帝時丁傳董賢用事  
諸附離之者起家至二千石惟揚雄自守泊如也乃草  
太玄以儻易三方九州二十七部八十一家七百二十  
九贊為天地人三玄各二十七首人有嘲雄以玄之尚  
白雄解之為之說曰解朝鳥裘滯秦見高四篇莊子養  
生篇吾生也有涯而知也無涯以有涯隨無涯殆已註  
言所稟之分各有極也而心之所欲無限隨之斯困殆  
矣岐路見紫雲觀篇陸士衡詩京洛多風塵素衣化為  
緇戰國策魏王欲攻邯鄲季梁聞之中道而反衣焦不

信面塵不洗往見王曰今者臣未見人於太行乃北面  
而驅其馬告臣曰我欲之楚臣曰之楚奚為北面曰吾  
馬良臣曰此非楚之道也曰吾善御此數者逾善而去  
楚逾遠耳又汗明見春申君曰驥之齒至矣服鹽車上  
大行中坂遷延負轅不能上伯樂遭之下車攀而哭之  
解紵衣而幕之於是俯噴仰鳴聲造於天欣伯樂之知  
已也白頭新見螢火賦白首註阮籍味懷詩平生少年  
時輕薄好絃歌西遊咸陽市趙李相經過娛樂未終極  
白日忽蹉跎驅馬復來歸反顧望三河黃金百鎰盡資  
用常苦多北臨大行道失路將如何又不涉大行路誰  
知斯路難太行在今衛輝府輝  
縣西五十里西南連懷慶府界

秋日山行簡梁大官

東馬陟層阜迴首睇山川攢峯銜宿霧疊嶽架寒烟百重  
含翠色一道落飛泉香吹分巖桂鮮雲抱石蓮地偏心易  
遠致默體逾玄得性靈遊刃忘言已棄荃彈冠勞巧拙結

綬倦牽纏不如從四皓丘中鳴一絃

史記齊桓公束馬懸車登太行至甲耳山楚詞既含睇  
 兮又宜笑睇視也謝瞻答靈運詩西瞻興遊嘆東睇起  
 悽歌顏延年詩側聽風薄木遙睇月開雲江淹擬謝莊  
 詩靜默鏡錦野四睇亂層吟擬惠連詩觀子杳未倂欸  
 睇在何辰攢山疊出如攢槩也張協北邙賦松林慘映  
 以攢列玄木搜廖而振柯嶽山頂也詩大雅公劉篇陟  
 則在嶽靈運詩連嶂疊嶽嶽青翠杳深沈泉自山頂流  
 下者曰飛泉巖柱見高四篇陸機悲哉行鮮雲自山頂陰  
 註輕雲也太華山有石蓮峯陶靖節詩心遠地自偏楊  
 雄解嘲知玄知默守道之極又曰蘭生收功於章臺四  
 皓采榮於南山公孫創業於金馬驃騎發迹於祁連司  
 馬長卿竊賞於卓氏東方曼倩割炙於細君僕誠不能  
 與數子並故默然獨守吾太玄亦子養生篇庖丁為文  
 惠君解牛曰臣之刀十九年矣所解數千牛而刀刃若  
 新發於硎彼節者有間而刀刃者無厚以無厚入有間  
 恢恢乎其於遊刃必有余地矣忘言棄釜見高四篇王  
 陽與貢禹為友陽刺益州禹聞之彈其冠以待陽遂薦  
 禹成帝召為大夫時人語曰王陽結綬貢禹彈冠又后

漢蕭育與朱博為友長安語曰蕭朱結綬王貢彈冠言  
 其相薦達也潘岳性輕躁趨勢利與石崇論事賈謐望  
 塵而拜為謐二卜四友之首其母數誚之曰汝當如是  
 而乾沒不已乎岳終不改既仕宦不達乃作閑居賦曰  
 岳讀汲黯傳至司馬安四至九卿而良史書之題以巧  
 宦之目未嘗不慨然廢書而嘆也曰嗟乎巧誠有之拙  
 亦宜然註黯姑姊子司馬安少與黯為洗馬安文深巧  
 善宦四至九卿守河南卒昆弟以安故同時二千石者  
 十人漢高欽易太子呂后使張良為計良曰此難以口  
 舌爭也顧上所不能致者四人曰東園公綺里季夏黃  
 公角里先生以上嫚士不願為漢臣令太子請以為客  
 此一助也后令太子卑詞厚幣往請之既至鬚眉皓白  
 目為四皓竟定惠帝顧愷之為謝鯤畫像曰此子宜置  
 丘壑中三國孫登汲郡人於北山為土窟居之好讀易  
 嘗撫一絃之琴拾遺記商時備三皇五帝之樂撫一絃  
 之琴棗據招隱詩杖策招隱士荒塗橫古今岩穴無結  
 構丘中有鳴琴白雲停陰岡丹睨曜陽林石泉漱瓊瑤  
 纖鱗亦浮沈非必絲與竹山水有清音何事待嘯歌灌  
 木自悲吟秋菊兼餼糧幽蘭開重襟躊躇足力煩聊欲  
 投吾簪郭琰客傲戰機心於外物不能得意於一絃陳



馬子集詩 伏招隱詩招隱訪仙楹丘中琴正鳴梁庾吾贈周處士詩籬下黃花菊丘中白雪琴

晚度天山有懷京邑

天山贈高四篇

忽上天山踞依然想物華雲疑上苑葉雪似御溝花行嘆

戎麾遠坐令衣帶賒交河淨絕塞弱水浸流沙旅思徒漂

梗歸期未及瓜寧知心斷絕夜夜泣胡笳

上苑上林苑也御溝見春霽早行篇雲乘見白雲抱幽石篇雪花見詠雪篇上苑御溝皆懷京邑也麾見蕩子後軍篇衣帶賒猶沈約所謂帶圍減尺言瘦也謝玄暉和王主簿怨情詩相逢詠靡蕪辭寵悲泣扇花叢亂數蝶風簾入雙燕徒使春帶賒坐惜紅粧變平生一顧重夙昔千金賤交河在上魯蕃西二十里源出天山河水交流繞新峯下夷名崖兒城即唐交河縣禹貢導弱水又西被于流沙鄭玄曰弱水出張掖淮南子云出窮名

山柳宗元曰西海之山有水焉散渙無力不能負芥投之則委靡墊沒及底而后止流沙在沙州西八十里其沙隨風流行故曰流沙沈括曰嘗過無定河活沙履之百步之外皆動如行幕上或陷則人馬車駝以千百數無子遺者或謂此所謂流沙也楚詞註流沙亦引禹貢復言今西海居延澤是也則括之言或信蓋弱水至于合黎餘波入于流沙則流沙皆弱水所及陷人亦有之矣漂梗見浮查篇泛梗註左傳齊侯使管至父戍葵丘瓜時而往曰及瓜而代期戍公問不至請代不許遂作亂註瓜時瓜熟時也笳見蕩子後軍篇李陵答蘇武書涼秋九月塞外草衰夜不能寐側耳遠聽胡笳互動牧馬悲鳴吟肅成群邊聲四起晨坐聽之不覺淚下魏權搗衣賦但見餘韻未畢微影方流逶迤洞房半入霄夢窈窕間館方增客愁李都尉以胡笳動泣而子期以隣笛增憂古人獨感於聽而今者况兼乎秋

晚泊河曲

河曲漢縣名屬太原郡晉為嵐州雄勇鎮宋立火山軍屬代州后置火山縣尋廢金改火山州后改澳州

貞元初增置河曲縣取河千里一曲之義元至元初

州縣俱省入保德州今復為河曲縣屬太原府

三秋倦行役千里泛歸潮通波竹箭水輕舸木蘭橈金隄

連曲岸貝闕影浮橋水净千年近星飛五老遥疊峯開宿

浪浮葉下凉颺浦荷踈晚的津柳漬寒條悽惶勞梗泛凄

断倦蓬飄仙查不可託河上獨長謠

竹箭見送郭少府篇南楚江湘船大謂之舸無輜重曰  
軒舸三國志黃蓋以輕舸十艘最著前是也木蘭香木  
也今湖廣潯陽江中七里洲中有魯般刻木蘭為舟詩  
家云木蘭舟橈皆用此耳金隄見陳文林篇又漢武時  
河決金隄議者欲求九河故道而穿之則非蜀之金隄  
矣貝闕見郭少府篇論語識仲尼曰吾聞堯與舜等遊  
首山觀河渚有五老遊河一老曰河圖將未告帝書四老  
老曰河圖將未告帝圖五老曰河圖將未告帝符龍符王  
曰河圖將未告帝書五老飛為流星上入昴荷一名美  
包金泥王檢封盛書五老飛為流星上入昴荷一名美

渠一名芙蓉其莖為茄其葉為蓂其本為蓂其花為菡  
菴其實為蓮其根為藕其中為葍葍中為蕙左思魏都  
賦丹藕凌波而的燦潘岳芙蓉賦丹輝拂紅飛須岳的  
斐披絕赫散煥熠燿煥吳才老解為指的楊升菴曰非也  
的紅也史記五王世家程姬有所避註玄的點絳言有  
月事以丹註面曰的上的林賦的燦江靡宋玉神女賦朱  
脣的其若丹又謂馬之的額的盧鳥脰亦曰的汝南陳  
耀文辨之謂不宜以馬之額為鳥脰為的愚謂的非以色亦  
非以額以脰乃如射之的耳繁欽賦點玄的之焚焚北  
堂書抄娥黃星的宮詞有龍的王粲神女賦拖華的又  
七山賦神簣巖巖而獨立仙的皎皎而孤臨孰知歲之  
豐儉觀玄白而皆謹可見的非定色矣荷花中心如射  
侯之紅心故曰的即葍也千字文渠荷的歷與的燦同  
夏荷則的燦燦然晚則踈矣梗泛見浮查篇史記老子  
曰君子得其時則駕不得其時則蓬累而行註蓬狀若  
瞞蒿細葉蔓生於沙漠中風吹則根断隨風轉移漢書  
明帝詔飛蓬隨風微子所嘆李白詩註蓬花如毬遇風  
則轉此與前註少異詩伯兮自伯之東首如飛蓬註蓬  
如柳絮聚而飛如亂髮也曹子建詩轉蓬離本根飄飄  
隨長風潘岳西征賦陋吾人之拘攣飄洋浮而蓬轉仙

各子美生

卷之二

八

馬三集詩 卷之二  
查見高四篇河上長謠疑用屈原事見之間篇江潭註  
趙至與嵇蕃書梁生適越登岳長謠劉琨答盧諶詩何  
以贈子竭心公朝何以叙  
懷引領長謠註短歌曰謠

### 晚泊蒲類

蒲類匈奴地名西河舊事曰白山之中有好木匈奴  
謂之天山去蒲類海百里漢章帝詔班超有擊石池  
破白山臨蒲類取車師按一統志蒲類即車師后王  
地治務塗谷晉時屬高昌貞觀中平高昌以其地置  
應州領金滿蒲類輪臺三縣后俱陷吐蕃其地有田  
鶻雜居故亦云田鶻宋建隆中未貢元號畏兀兒地  
置達魯花赤今名火州土魯蕃  
亦交河地也詳見詩中二庭註

二庭歸望斷萬里客心愁山踞猶南屬河源自北流晚風  
連朔氣新月照邊秋竈火通軍壁烽煙上戍樓龍庭但苦  
戰燕頷會封侯莫作蘭山下空令漢國羞

沙鉢羅可汗建庭于堆台水謂之南庭吐陸可汗建牙  
於族曷山謂之北庭二庭以伊列水為界所謂南單于  
北單于也蒲類即車師后王治地其前王治交河城即  
唐交河縣去長安八千一百里漢元時置戊巳校尉屯  
田以其地勢高敞故名高昌壘有八城晉時前涼張駿  
於交河縣置高昌郡后魏初有闕伯周者始為高昌王  
其后魏嘉稱王於此自后魏至隋皆入貢唐貞觀中平  
高昌以其地置西州及都督府開元中改金山都督府  
天寶初改州為交河郡領高昌交河柳中蒲昌天山五  
縣長安初置北庭都護府后與蒲類俱陷于吐蕃云云  
余見本題註此云二庭者持車師師前后王治地也故又  
曰萬里黃河源至元人始知發源火敦腦兒之地華言  
星宿海也舊言河出崑崙皆張騫之妄耳北流詳見下  
篇題註匈奴骨頓單于子稽粥號老上單于每歲五月  
大會龍廷祭其先祖天地鬼神后漢書焚老上之龍庭  
即此也班超字仲升安陵人父彪兄固少有大志不脩  
小節家貧為官傭書勞苦投筆嘆曰大丈夫當立功異  
域取封侯安能久事筆硯乎有相者謂之曰生燕頷虎  
頭飛而食肉萬里封侯相也后歷事明章出征西域安  
集五十余國封定遠侯李陵請於漢武曰臣所將皆荆

楚勇士奇村劍客也力扼虎射命中頭得自當一隊到  
蘭干山南以分單于兵毋令專鄉貳師軍上壯而許之  
后未至鞞汗  
山兵敗降虜

### 晚渡黃河

黃河出吐蕃朶思其之南星宿海元世祖命篤實西  
窮河源始知其出於此地近百泓灑而為澤登高望  
之若星宿然在中國西南直四川馬湖府之正西三  
千餘里雲南麗江府之西北一千五百里自西而東  
合諸河水其流漸大行二十日至大雪山即崑崙也  
繞崑崙西南折而東而北而西又繞崑崙之北又轉  
而東北行二十余日歷雲中九原至大寧始入中國  
道崑崙山名地首上為摧勢星一曲也東流千里至  
規共山地名地契上為距樓星二曲也邠南千里至  
積石山地名地有上為別符星三曲也邠南千里至  
首抵龍門名地根上為營室星四曲也南流千里至  
卷重山名地咽上為卷舌星五曲也東流貫砥柱觸  
淤流山名地候上為恆星以運七政六曲也西距卷  
重山千里東至維會名地神上為紀星七曲也東流

至大伾地名地肱上為輔星八曲也東流過絳水千  
里至大陸名地臆上為虛星九曲也元學士潘昂霄  
志黃河九折胡地二折蓋乞兒馬出反必赤里也以  
禹貢參考絳象河圖及河源志一一皆合聞之楊升  
云菴

千里尋歸路一葦亂平源通波連馬頰迸水急龍門照日  
榮光渾驚風瑞浪翻棹唱臨風斷樵歌入聽喧岸迥秋霞  
落潭深夕霧繁誰堪逝川上日暮他鄉魂

詩衛風河廣篇誰謂河廣一葦杭之大雅公劉篇涉渭  
為亂註亂舟之截流橫渡者也馬頰九河之一在商河  
縣境禹貢導河積石至於龍門南至于華陰東至于底  
柱又東至于孟津東過洛汭至于大伾北過澤水至于  
大陸又北播為九河同為逆河入于海註龍門山在馮  
翊夏陽縣西河之水所出禹所鑿也水急如箭三秦記  
龍門水懸船而行兩旁有山龜魚俱集其下上則為龍  
不能者點額而還尚書中候曰堯即政七十載修壇河

洛仲月辛日昧明禮備榮光幕河休氣四塞榮與榮同  
義見毛司馬篇縈河註逝川見陳文林篇王粲詩方舟  
遡大江日暮愁我心齊虞義送友人詩共盈一樽酒對之愁日暮

### 早發淮口望盱眙

淮水見遊充部題註盱眙戰國楚始為縣西晉為臨淮郡以北臨淮水也東晉立盱眙郡唐改西楚州宋陞盱眙軍尋改招信軍今為盱眙縣屬泗州

養象分四瀆習坎奠三荆徙地留餘地封王表舊城岸昏

涵蜃氣潮滿應雞聲洲迥連沙靜川虛積溜明一朝從奉

檄千里倦懸旌背流桐柏遠逗浦木蘭輕小山迷隱踏大

塊切勞生唯有貞心在獨映寒潭清

易山水象卦彖曰象以養正聖功也禮四瀆視諸侯白虎通曰中國獨發源而注海其功著大故稱曰瀆史記

殷湯作江誥曰古禹暈陶父勞于外民乃安東為江北

為河南為淮西為濟四瀆已候萬民乃居劉向說苑四

瀆能蕩滌垢濁為能通百川於海為能蕩出雲雨為

德甚美故視諸侯也易坎卦象曰水洊至習坎君子以

常德行習教事習重也上水下水故曰習坎三荆有二

北荆州河南伊縣東荆州唐州南荆州鄭州此通典西

魏三荆也後周宇文太以揚忠都督三荆孟康曰三荆

即三楚也舊名江陵為南楚吳為東楚彭城為西楚史

記范增勸項梁立楚后求得楚懷王孫心於民間為人

牧羊立以為楚懷王都盱眙項梁敗死徙都彭城即今

徐州也後項羽陽尊懷王為義帝又徙之江都彭城即今  
今郴州封王指漢高封韓信於淮陰也蜃氣見高四柳即  
之問篇臨海異物志石雞清響以應潮慧驅輕逝以遠  
繫今江濱有水漲雞潮至則鳴李德裕所謂三更津吏  
報潮雞是也山泉曰溜一作雷枚乘奏吳王書太山之  
雷穿石奉檄見高四篇戰國策楚威王謂蘇秦曰寡人  
心搖搖然如懸旌而無所薄左太冲詩羈旅無定心翻  
翩如懸旌桐柏山名淮水所出木蘭見泊河曲篇淮南  
王安好賓客所招置賓客作招隱詩有大山小山如詩  
之大雅小雅南齊何胤兄何求何點並棲遁世號點為

大山徧為小山亦曰東山兄弟發迹雖異克終皆隱世  
謂何氏三高大塊勞生見螢火篇

### 遠使海曲春夜多懷

海曲漢之縣名屬琅琊郡舊設監官名日照鎮魏晉  
以來俱屬莒縣金始置日照縣屬莒州元仍舊今改  
屬青州府

長嘯三秋晚端居百慮盈未安蝴蝶夢遊城魯禽情別島

連環海離魂斷戍城流星疑伴使行月似依營懷祿寧期

遠牽時匪狗名艱虞行已遠時迹自相驚

長嘯見常明府篇端居見司馬樓蝴蝶夢見酬思女上  
人篇莊子昔者海鳥止于魯郊魯侯御而觴之于廟奏  
九韶以為樂具大牢以為膳鳥乃眩視憂悲不敢食一  
齋不敢飲一杯三日而死此以已養養鳥也非以鳥養  
也東方朔十洲記環海之中有十洲馬祖洲瀛洲長洲  
生洲鳳麟洲東海之洲也炎洲流洲南海之洲也玄洲

元洲北海之洲也聚窟洲西海之洲也皆仙人所居之  
地漢和帝分遣使者二人各至州郡觀採風謠二人當  
到益部校館吏李邵舍邵曰二居發京時知朝廷遣二  
使入蜀不二人問何以知之邵曰前有二使星向益州  
分野淮南子曰月天之使也匈奴舉事常隨月盛壯以  
攻戰月虧則退兵鮑明遠詩綉囊結飛霞璇題納行月  
三國孫權聞曹操未築營於濡須  
塢以拒之狀為偃月號偃月營

### 晚泊江鎮

四運移陰律三翼泛陽侯荷香銷晚夏菊氣入新秋夜鳥

喧粉堞宿鴈下蘆洲海霧籠邊徼江風繞戍樓轉蓬驚別

渚逃名謝蟻丘還嗟帝鄉遠空望白雲浮

黃帝命伶倫取嶰谷之竹擇其竅厚均者截以為律以  
節五音之上下黃鍾太簇姑洗蕤賓夷則無射為陽大  
呂夾鍾仲呂林鍾南呂應鍾為陰蓋准鳳凰之鳴而為  
之者也楊升菴云取雄竹雌竹吹之今律書及律曆志

呂覽說苑晉書等志俱無雄竹雌竹之事宋玉笛賦衡山之陽見奇篠異幹良工至此曰命陪采取其雄鳥得其雌鳥遂以為笛候氣之法先治一室令地極平乃埋律管使齊入地則有淺深冬至陽氣距地面九寸而止唯黃鍾一管先達故黃鍾為應十二月則大呂應之黃鍾先已虛如人用針做其經渠氣已隨針而出地有疎密不無差忒故先以木案隔之然後實土案上令堅均一其上以水平其槩然后埋律其下為木所節氣自平也但在調其案上之土耳移陰律移大呂之陰轉太簇之陽也梁孝王舩名詩天賦浮雲飛三翼自相追張協七命尔乃浮三翼戲中泚頽延年詩萬軸徹行衛千翼泛雲浮越絕書越為大翼中翼小翼船以戰註大翼廣一丈五尺二寸長十丈中翼廣一丈三尺五寸長九丈小翼廣一丈二尺長五丈陽侯見贈之問篇堞城女牆也漢桓帝時童謡曰城上烏尾畢連公為吏子為徒註城上烏處高獨食不與下共謂人主多聚歛也鮑明遠詩昨夜宿南陵今旦入蘆洲此蘆洲地名也離樊口二十里今言蘆洲只泛言鴈欲含蘆耳邊傲見蕩子篇轉蓬見河曲篇飄蓬註在子則陽篇孔子之楚舍於蟻丘之漿其鄰有夫妻臣妾登極者子路曰是樓樓何為者

耶仲尼曰是聖人僕也是自理於民自藏於畔其聲銷其志無窮其口雖言其心未嘗言方與世違而心不屑與之俱是陸沈者也是其市南宜僚耶子路請往召之孔子曰已矣彼知丘之著於已也知丘之適楚也以丘為必使楚王之召已也彼且以丘為佞人也夫若然者其於佞人也蓋聞其言而况親見其身乎而何以為存子路往視之其室虛矣帝鄉白雲見贈高四篇序註

早發諸暨

諸暨在今紹興府城南一百二十里本越王允常所都地秦置諸暨縣屬會稽郡漢以后皆因之隋唐皆屬越州宋析置義安縣后復省入諸暨元陸諸暨州本朝初為諸全州尋改諸暨縣編戶一百七十五里

征夫懷遠踞夙駕上危巒薄煙橫絕巘輕凍澁迴湍野霧連空暗山風入曙寒帝城臨霸浹禹穴枕江干橘性行應

化蓬心去不安獨掩窮途淚長歌行踞難

山之美者曰巒猶肉之美者曰饈也巒見梁大官篇秦記霸水古滋水也出雍州藍田谷北入渭正義曰即秦嶺水之下流秦繆公築宮於此更名城曰霸城水曰霸水以章霸功詩在水之涘註水涯也禹穴見靈泉頌干亦水涯也詩小雅斯干篇秩秩斯干楚詞后皇嘉樹橘徠服兮受命不遷生南國兮註屈原自比志節如橘不可移徙蓋橘逾淮而北則為枳也莊子逍遙遊篇莊子謂惠子曰子有五石之瓠何不慮以為大樽而浮乎江湖而憂其瓠落無所容則夫子猶有蓬之心也夫註蓬非直達者也晉書阮籍嘗率意獨駕不由徑中車轍所窮輒慟哭而返行踞難古曲名晉書山崧少有才名博學有文章著後漢書百篇矜情秀遠善音樂舊歌有行踞難曲辭頗踈質山崧好之乃文其詞句婉其節制每因酣醉縱歌之聽者莫不流涕霸水在今陝西西安府城東二十里源出秦嶺合藍谷傾谷諸水入滄水北注于渭

晚憇田家

轉蓬勞遠役披薜下田家山影類九折江勢急三巴懸梁接斷岸澁踞擁崩杳霧巖輪曉魄風駛漲寒沙心迹一朝舛江山萬里賒龍章徒表越閩俗本非華旅行悲泛梗離贈斷踈麻唯有寒潭樹獨似故園花

轉蓬見泊河曲篇披薜見高四篇九折見費六篇三巴記閬白二水東南流曲折如巴字故曰三巴劉璋為益州分墊江以上為巴西治閬中今保寧府是以下至臨江為未寧治江州號中巴今重慶府是胸臆縣至魚復為巴東治未安今夔州府是巴道分矣故巴郡號為三巴魄月也見崔駰馬篇駢馬行疾也風急亦曰駢弘明集榮辱迅避石光古今駛過拍掬梁簡文詩鶯啼春欲駛無為空揜扉漲寒沙風起沙飛如水漲也梁丘遲詩森森荒樹齊折折寒沙漲中說魏徵曰聖人有憂乎子曰天下皆憂吾獨得不憂問疑子曰天下皆疑吾獨得不疑徵退子謂董常曰樂天知命吾何憂窮理盡性吾何疑常曰子亦二言乎曰徵所問者迹也吾告汝者心



也心迹之判久矣賒有餘也莊子龍衮章甫携以適越無所用之晉趙景真與稽康書表龍章於裸壤奏韶武於輦俗閩東越別名春秋七閩地戰國越人所居故稱閩越秦立閩中郡及漢興師越人佐漢有功復立無諸為閩越王王閩中故地郡治今建寧之建安福州之侯官皆其地也治地名漢錫光在交趾教民夷以禮義任延守九真教民耕種嫁娶故嶺南華風始於二守此言閩俗非華用此意也泛梗見浮查序疎麻見高四篇

### 宿仙庄

金陵一起忽玉燭幾環周露積吳臺草風入郢門楸林虛宿斷霧磴險挂懸流拾青非漢策緇化類秦裘牽迹猶多蹇勞生未寡尤獨此他鄉夢空山明月秋

金陵見秋夜送閩五詩序后漢書西域傳玉燭和氣梁湘東王澤曰太平玉燭註四時調和謂之王燭露積吳臺草見又客臨海篇郢楚都也潘岳懷舊賦岩岩雙表列列行楸註表華表堯設誹謗之木即此古人亦樹之

墓也爾雅櫛大而散楸郭璞曰老乃皮散皆為楸也劉向曰楸木名楚詞懷感多用楸字宋王九辨露既下降百草兮奄離披此梧楸故云郢門楸也謝靈運詩銅陵映碧澗石磴瀉紅泉孫興公天台賦跨穹窿之懸磴註磴石橋也木玄虛海賦淵客築室於岩底鮫人構館於懸流拾青見高四篇緇化秦裘俱見途中有懷篇勞生見螢火篇

### 過張平子墓

漢張衡字平子南陽西鄂人少善屬文通五經貫六藝尤思致於天文陰陽曆筭安帝徵拜郎中再遷大史令永和初為河間相遷侍中以銅製渾天儀實以清水以玉蛇吐漏右為夜漏左為晝漏又有西京賦東京賦永和四年卒今舊西鄂城南有平子墓及崔瑗所作碑文斷石僅存西鄂漢縣名屬南陽郡晉因之今南陽府府城北五十里有西鄂城

西鄂該通理南陽擅德音玉卮浮藻麗銅渾積思深忽懷

今日昔非復昔時今日往豐碑閣風來古木吟唯嘆窮泉  
下終鬱羨魚心

西鄂見本題註范曄贊三才理通人靈多蔽近惟形美  
遠抽深滯不有玄慮孰能昭晰南陽本申伯國戰國為  
韓宛邑秦為宛縣南陽郡治漢因之后魏改上陌縣后  
周改上宛縣隋初改南陽縣屬鄧州唐初於縣置宛州  
尋罷州獨以縣屬鄧州唐末以南城縣省入五代及宋  
皆因之金為申州治所元改南陽府仍置縣今因之平  
子墓在縣界東北石橋保王巵浮藻指其善為文也江  
淹恨賦藻思綺合情麗芊眠又瓊敷玉藻銅渾見本題  
註禮記檀弓下公室視豐碑註豐大也閣如閣岸之閣  
謝靈運祭古塚文窮泉為塹聚壤成基漢成帝時客有  
薦楊雄文似相如者雄以臨川羨魚不如退而結網會  
上自西嶽還上河東賦以勸平子歸田賦遊都邑以永  
久無明略以佐時徒臨川  
以羨魚俟河清乎未期  
海曲書情

海曲見遠使  
海曲題註

薄遊倦千里勞生負伯年未能查上漢詎肯劔遊燕白雲  
照春海青山橫曙天江濤讓雙壁渭水擲三錢坐惜風光  
蒲長歌獨塊然

梁裴子野劉虬碑曰及其長也奉檄動容薄遊下邑劉  
孝綽詩方歡厚德重誰言薄遊倦陸機狹斜行余本倦  
遊客勞生見螢火賦查上漢見高四篇荆軻好擊劔遊  
衛元君不用過輸次與蓋聶論劔聶怒而目之去遊邠  
邠與魯勾踐爭博句踐怒而叱之嘿逃去遊燕讓壁見  
之問篇安陵頃仲山有清操每飲馬輒投三錢於水中  
曹植上魏文書每四節之會塊然獨處應休連與曹長  
思書塊然獨處有離群之志又與從弟來還京都塊然  
獨處

邊城落日

紫塞流沙北黃面霸水東一朝辭俎豆萬里逐沙蓬候月  
恒持蒲尋源異鑿空野昏邊氣合峯迫戍煙通膂力風塵  
倦疆場歲月窮河流控積石山踞遠崆峒壯志凌蒼兕精  
誠貫白虹君恩如可報龍劍有雌雄

紫塞地名以其色言之流沙見度天山篇黃面見崔附  
馬篇霸水見諸暨篇沙蓬見泊河曲篇候月見遠使海  
曲篇史記白登之圍高帝令士皆持滿傳矢外鄉從解  
角直出竟與大軍合文獻通考突厥候月將滿輒為寇  
鈔史記使張騫使西域尋河源然騫亦鑿空註杜撰也  
如云河出崑崙皆妄說耳禹貢浮于積石至于龍門又  
導河積石註積石在金城郡河關縣西南羗中詳見晚  
渡黃河篇列子黃帝與廣成子居崆峒之上註崆峒在  
醴泉郡漢武祠五時於雍遂踰隴西登崆峒出蕭關從  
數萬騎獵新秦中勒邊兵而歸在今薊州城東北五里  
一名翁同上有府君廟楚詞招魂篇與王趨夢兮相后  
先君王親發兮憚青兕此借從君田獵之事而言為王

禦侮也史記師尚父左仗黃旗左秉白旄以誓曰青兕  
青兕兕爾衆庶與爾舟楫后至者斬註王充云蒼兕水  
獸九頭稱其武勇之詞也古今原始云武王發商至孟  
津命蒼兕具舟楫人名也殊謬貫白虹見螢火賦一變  
成虹註龍劍雌雄  
見螢火埋豐註

### 蓬萊鎮

蓬萊古斟尋國唐虞時隅夷地春秋時為牟子國戰  
國屬齊秦為齊郡地漢屬東都后魏折東萊郡地置  
東牟郡北齊省入長廣郡隋初廢郡置牟州大業初  
州廢唐復置牟州治牟平又置登州治文登真觀間  
二州俱廢如意初復置登州於牟平縣神龍間徙治  
蓬萊縣天寶初改州於東牟郡乾元初復為登州屬  
河南宋屬京都踞后屬般陽踞  
元初屬益都踞后屬般陽踞  
本朝初屬萊州府洪武九年陞登州府蓬萊縣附郭  
即蓬萊鎮也武帝於此望海中蓬萊山築城以為名  
真觀間置鎮  
故曰蓬萊鎮

旅客春心斷邊城夜望高野樓疑海氣白鷺似江濤結綬  
披三入承冠泣二毛將飛伶弱羽欲濟乏輕舸賴有陽春  
曲窮愁且代勞

海氣即蜃也見之問篇鷺濤見高四篇結綬見梁大官  
篇應瑒詩三入承明廬言三次為翰林官也禮古之為  
師者不斬祀不殺厲不擒二毛注毛二色也又見上裴  
侍郎篇舸見晚泊河曲篇陽春曲見之問篇史記虞卿  
屏相印問行去趙困於齊梁已死不得意乃著書上株  
春秋下觀近世曰節義稱號揣摩政謀凡八篇曰虞氏  
春秋太史公曰虞卿非窮愁不能著書以  
自見於后世云虞卿事見螢火賦綈袍註

### 宿温城望軍營

温古邑名周為蘇忿生封邑東周為畿內邑漢為温  
縣屬河內郡后廢隋復置屬懷州唐初置平州尋復  
為縣屬懷州改屬洛州后又屬孟州宋金元仍舊  
國朝因之屬懷慶府按一統志寧國府城東一十里

有温城云唐刺史温璋所築然温城若在  
此則非邊地矣懷詩中所云前註近是

虜地寒膠折邊城夜柝聞兵符關帝關天策動將軍戎靜  
胡笳徹沙明楚練分風旗翻翼影霜劍轉龍文白羽搖如  
月青山斷若雲煙踈疑卷被塵滅似銷氛投筆懷班業臨  
戎想霍勳還應雪漢耻持此報明君

晁錯兵事書匈奴欲立威始於折膠註秋氣至膠勁可  
折弓弩可用匈奴常以為候而出軍史記侯生謂公子  
無忌曰吾聞晉鄙兵符在王卧內註符信也輔也所以  
輔信古者以竹為之后世以竹易得於是也漢鐵金銀  
為物象用之故侯生曰得虎符奪鄙兵是也漢文與郡  
國為銅虎符竹使符應劭曰銅虎符長六寸第一至五  
國家發兵遣使至郡合符符合乃聽受之竹使符以竹  
箭五枝長五寸旁鐫篆書亦一至五出入徵發用之張  
晏曰符以代古之珪璋從簡易也顏師古曰與郡國為  
符各分一半右留京師左以與之此漢制也唐高祖入

長安罷竹使符班銀苑符其右改為銅魚木契朝廷徵  
發下救書契魚却督御府參驗皆合然後遣之天策見  
書從天子出也唐有天策上將唐太宗嘗為之胡笳見  
蕩子篇謝玄暉詩登江靜如練旗有鳥隼之象故言翼  
影劍為龍文見螢火理豐註說苑孔子北遊農山子路  
曰願得白羽若月赤羽若日鍾鼓之音上聞乎天旌旗  
翩翩下蟠於地由且舉兵而擊之投筆見泊蒲類篇霍  
去病衛青姊子霍光兄也為漢武驃騎將軍伐匈奴屢  
立奇功封狼居胥禪姑衍臨瀚海益封五千八百戶漢  
武欲伐胡下詔曰昔齊襄復九世之讐春秋大之高帝  
遺朕平城之憂高后時單于為書詞極褻  
慢唐太宗滅突厥立石曰雪耻酬百王

和孫長史秋日卧病

霍地踈天府潘園近帝臺調絃三婦至置驛五侯來尚想  
歡娛合吁嗟歲月摧金壇分上將玉帳引瓌才決勝鯨波  
靜騰謀鳥谷開白雲淮水外紫陌霸陵隈節變驚衰柳笳

繁思落梅調神和玉燭挾藻握珠胎悵矣欣懷土居矣欲

死灰還自承雅曲暫喜躍沈鯁

漢宣帝賜霍光甲第一區光薨夫人顯改先茔制廣治  
第遊戲于中子禹兄孫山並治宅踈廣也周禮鄉老及  
卿大夫群吏獻賢能之書于王王再拜受之登于天府  
史記張良曰關中金城千里天府之國潘岳間居賦大  
夫人乃御板輿升軒軒遠覽王畿近周家園體以行和  
藥以勞宣常膳載加舊疴有痊山海經鼓鍾之山帝臺  
之所以觴百神也郭璞註舉觴燕會則於此山今按其  
山在伊闕西南調絃三婦見春霽早行篇寶瑟調中婦  
註鄭當時字莊孝景時為太子舍人每五日洗沐嘗置  
驛馬長安諸郊存問諸故人請謝賓客夜以繼日漢成  
帝母舅王譚王立王根王逢王商同日封侯門客各有  
所厚不得左右不相往來惟齊人樓護字君卿傳會五  
侯咸媚事之各得其歡心結納士大夫尤見親敬與谷永  
俱為五侯上客母喪致車三千輛里巷歌之曰五侯治  
喪樓君卿漢高築壇拜韓信為大將故后言拜將者曰  
金壇之拜今泗州東七里壇基存焉俗說也壇在蜀

中軍行之制其隱與深居大白帳密謀秘議臨之所謂王  
帳虎帳也壞美也鯨海中魚故謂海曰鯨海之波鳥  
谷猶言鳥道險不通人惟鳥度耳白雲用思親意見高  
四篇紫陌見毛司馬篇霸陵見別李嶠篇水曲曰隈古  
樂府有落梅花曲其詞云念爾零落逐風颺徒有霜花  
無霜實玉燭見宿山莊篇揆藻作文也漢郊祀歌長麗  
前煇光耀明註揆舒也選也謝宣遠答謝靈運書率  
酬嘉藻蜀都賦出思綯道德擣藻揆庭庭珠胎見高四  
篇居然猶徒然也詩生民篇居然生子死反見  
見螢火篇雅詩之小雅大雅謂正樂之歌也

四月八日題七級

化城分鳥堞香閣俯龍川  
複棟侵黃道重簷駕紫煙  
銘書非晉代壁畫是梁年  
霸略今何在王宮尚巋然  
二帝曾遊聖三鄉是偶賢  
昔茲遊勝侶超彼託良緣  
我出有為為界君登非想  
天悠悠青曠裏蕩蕩白雲前  
今日經行處曲音號

蓋煙

蓮華經云朽宅通入大之文軌化城引昔緣之不隊又  
云辟如五伯山旬險難惡道衆欲過此至瓊室處怖畏  
前途猶遠欲還有一導師於險道中過三伯由旬化作  
一城告衆人言汝等勿退今此大城可於中止導師見  
衆人少息復滅化城語衆人去來室處在近向來大城  
我所化作故佛寺又名化城禽經離上無尋鷄雉上無  
常雉上有文鷄上有赤脚故計丈曰雉城女墻曰雉堞  
曰鳥堞又曰鳥堞則見泊江鎮篇漢武起柏梁臺在長  
安城北用香柏為殿梁香聞十里龍川以其下有水而  
加以美名也又蓮華經大海娑竭羅龍宮自然湧出或  
以此名龍川耳復重也所謂複廟重簷也黃道日所行  
之道見秋雲詩南陸註侵之言其高也架紫煙亦高意  
晉王羲之善書一時寺塔碑銘皆其所書梁武於同泰  
寺建佛樓高三十三丈以七寶飾畫名七寶樓巋然猶  
巍然也晉五代之後如魏梁姚興策融皆起佛殿故云  
伯略已往王宮尚存也二帝必指唐之先帝曾遊於此  
孔融深敬鄭玄徒履造門告高密縣為玄特立一鄉曰  
昔齊置士鄉越有君子鄉皆異賢之意也鄭君好學室

懷明德昔大史公廷尉吳公謁者鄭公皆漢名臣又四  
皓亦稱公則公者仁德之正號不必三事大夫也今鄭  
公卿宜曰鄭公卿門曰通德門同遊之美者曰勝侶佛  
經出煩惱之深源登善提之彼岸王簡栖頭陀寺碑則  
稱謂所絕形乎彼岸矣涅槃經心無退轉即便前進已  
得到彼岸登大高山離諸恐怖多受安樂彼岸山者喻  
於如來受安樂者喻於常性大高山者喻大涅槃也生  
緣業空則緣廢維摩經如影從身業緣生見僧肇曰身  
衆緣所成緣合則起緣散則離金光明經曰所謂無明  
緣行緣識緣名緣色緣老死憂悲苦惱滅裂緣緣  
愛緣緣取緣有緣生緣老死憂悲苦惱滅裂緣緣  
文選五臣注棲遲六千者謂一三千界下至河毗地獄  
上非想天為一世界千三世界為大千世界小千世界  
為中千世界至千中世界為大千世界大乘經曰若胎  
生若卵生若濕生若化生若有色若無色若有想若無  
想若非有想若非無想我皆令入無余涅槃而滅度之  
如斯了悟便能脫死超生青曠天  
也白雲見高四篇蓋 烟也

### 早秋出塞寄東臺詳政學士

東臺詳政唐官  
名見宋之問註

促駕逾三水長驅望五原天街分斗極地理接樓煩漢月  
明關隴胡雲聚塞垣山川殊物候風壤異涼温戍古秋塵  
冷沙寒宿霧繁昔余迷學步投迹忝詞源蘭室薰延閣蓬  
山款禁園影纓陪綬冕載筆偶瓊璠汲冢寧詳蠹秦牢距  
辨究一朝從篚服千里駕輕軒鄉夢隨魂斷邊聲入聽喧  
南圖終斂翮北上據摧轅弔影斬連茹浮生倦觸藩數竒  
何以託桃李自無言

三水地名今陝西西安府淳化縣西有廢三水縣五原  
本秦九原更名五原在今榆林縣西界四十里相譚新  
論天卯酉當北斗極北斗極天樞地軸也猶蓋有葆斗  
矣史記趙武靈王曰吾國東有齊中山北有燕東胡西

有樓煩在今太原府崞州莊子秋風篇子獨不聞壽陵餘子之學行於邯鄲與未得國能又失其故行矣直匍匐而歸耳一作學步家語孔子曰與善人居如入芝蘭之室久而不聞其香則與之俱化左思蜀都賦結陽城之延閣飛觀榭平雲中註延長也左右長廊有窓者曰延閣東漢時學者稱東觀為老氏藏室道家蓬萊山蓬萊山者海中神仙府幽怪秘錄並皆在焉鮑明遠詩京城十二衢飛甍各鱗次士子影華纓遊客踈輕轡影長組貌梁孝標作影組孔子曰美哉璠璣遠而望之煥若也近而視之瑟若也一則理勝一則乎勝禮記檀弓史載筆言其紀載同室王之美也晉武帝時汲郡人不準盜發魏襄王墓或言安釐王家得竹書數十車其紀年十三篇書中與經傳大異者云夏年多殷益干啓位啓殺之太甲殺伊尹文王殺季歷自周受命至穆王百年非穆王壽百歲幽王亡共伯和者攝行天子事其書多燼簡斷札晉武乃詔束皙釋之蠹食書虫也秦牢見螢火窺微註籠服用籠厥玄黃意南面見高四篇翮翼勁羽也摧轅見春霽早行篇大行道註弔影見螢火篇易泰初九拔茅茹以其彙征吉本義三陽在下相連而進拔茅連茹之象征行之吉也莊子刻意篇其生若浮

其死若休觸籬見謝思玄上人詩李廣傳衛青陰受上誠以廣老數奇毋令此輩于廣固自肆於書願居前壽不聽廣不謝而去意甚愠竟失進後期青傳長史問狀急責廣之幕府對簿廣自殺一軍皆哭百姓為流涕數奇謂不遇單于為對敵也如淳曰數敗也下文云失道恐是奇偶之義堯李見蕩子篇堯李註五原漢郡名治九原縣隋廢置豐州后改五原郡唐初復為豐州又為九原郡寰宇記九原有前后雞延城及郎君城今省之故城在延安府神木縣

### 鄭安陽入蜀

已見送費六題註春秋時蜀侯所治為秦惠所滅置蜀郡漢改益州晉改成都國取三年成都之義唐改成都府唐宋元因之

本朝置四川省以成都府附

彭山折坂外井絡少城隈地是三巴俗人非百里才長途



君悵望別踞我徘徊心賞風烟隔容華歲月催遙遙分鳳  
野去去轉龍騾遺錦非前邑鳴琴即舊臺劔門千仞起石  
踞五丁開海客乘查渡仙童馭竹迴魂將離鶴遠思逐斷  
猿哀唯有雙鳧鳥飛去後飛來

彭山在眉州彭山縣東十里彭祖家於此名彭亡山岑  
彭伐蜀營此問地名欲徒營會日暮是夜為刺客所害  
后改平無今改平模山折坂見費六篇井絡見之問篇  
蜀都賦亞以少城接乎其西註張儀既築成都大城后  
一年又築少城唯西南三壁東即左城西壩容齋遁筆  
蜀刺史理大城大守理少城三巴見晚懋田家篇百里  
才見高四篇展駿註楚詞獨不見鸞鳳之高翔大皇之  
野循四極而周迴見盛德而后下蜀亦有地名鳳野漢  
武天馬歌天馬來從西極涉流沙九夷服天馬來歷蕪  
草徑千里來東道天馬來龍之媒遊閭闔觀玉臺晉劉  
牢之有馬名龍媒跳五丈澗以兔慕容垂之迫關憲令  
綿竹以禮讓化人縣民杜成夜行得遺賄一囊有錦二

十疋求其主還之曰縣有明君何敢負也子賤為單父  
宰不下堂鳴琴而治故稱縣治曰琴堂然蜀有司馬相  
如琴臺蓋借以用子賤之事也琴臺見任處士篇一統  
志小劍在保寧府劔州北十五里與大劔山相屬五丁  
所開也大劔雖號天險然頗夷小劔則鑿石架閣有不  
容越窳宇記大劔山至此有隘東之踞故曰劔門秦惠  
王欲伐蜀道不通聞蜀有五丁壯士乃作鉄牛詐言日  
糞金三斗名金牛蜀王貪使五丁開山取之遂成大道  
取牛至知其詐然道已成矣五丁死遂使張儀滅蜀蜀  
王本紀又言惠王獻女五人蜀王遣五丁迎之至梓潼  
見大蛇入山穴中一丁引其尾不出五丁共引之山崩  
五女上山化為石蜀始通道乘查見高四篇郭伋守南  
陽有兒童數十騎竹馬迎之伋與刻期往返不違其約  
又費長房與騎竹杖事見出石門詩此與琴臺皆双意  
引用也商陵牧子娶妻五十無子父母將為改娶妻聞  
之中夜倚戶而悲嘯牧子因作別鶴操后人因有離鶴  
別鶴之曲斷猿不成群也巴東三峽猿長鳴至三聲聞  
者莫不垂淚物類志猿性急腸狹聞類死聲鳴則腸俱  
斷而死春秋時膠東猿盛踐人禾稼楚昭王使養由基  
射之遇子母猿中其子死母長鳴三聲五里之外諸猿

關之俱死后漢王喬河東人令葉縣每旦入朝帝訝其  
去來不見車騎使伺之太史望其將至輒有雙鳧飛來  
令舉網張之得雙履詔尚方視之則四年中所賜尚書  
官履也註旦月朔也黃帝命於則作罪履草曰罪麻皮  
曰履履下  
施木曰鳥

在軍中贈先還知己

蓬轉俱行役瓜時獨未還魂迷金闕踞望斷玉門關獻凱  
多慙霍論封幾謝班風塵催白首歲月損紅顏落鴈低秋  
塞驚鳧起瞋鸞胡霜如劍鏢漢月似刀鐮別后邊庭樹相

思幾度攀

蓬轉見泊河曲篇瓜時見度天山篇謝朓出尚書省既  
通金闕之諸彥什名云闕在門兩旁中央闕然為道也  
上懸法象其狀巍然高大謂之象魏周禮正月始和布  
法象魏如今人掛榜門樓是也觀義亦同莊子讓王篇

身在江湖之上心居魏闕之下是觀象魏闕一物三名  
也太上决疑經銀宮金闕列仙攸館元祖所居郊祀志  
蓬萊方丈瀛洲三神山在渤海中金銀為宮闕六帖銀  
宮金闕紫府清都以仙居擬帝座也又鳳闕見秋雲篇  
班超為西域校尉年老思歸上書曰臣不敢望酒泉願  
生入玉門關地理志玉門關在陝西行都司故瓜州西  
北一十八里常昭曰玉門關在龍勒縣界敦煌縣西北  
又酒泉有玉門縣索隱曰光武閉玉闕以謝西域罷闕  
屯徙其人於此因以名縣闕在縣西北一百二十里五  
代晉高居誨使于闐記自并州西始步磧五百里至肅  
州渡金河西州州南十里門關又西百里出玉門關入吐  
番界西至沙州州南十里門關又西百里出玉門關入吐  
其西渡西鄉河曰陽關也出師有功而歸軍人歌舞謂  
之凱歌上功朝廷謂之獻凱七樂也亦作愷周禮奏愷  
樂左傳晉文公愷以入  
于晉霍去病班超也

夏日憶張二

伏枕憂思深擁膝獨長吟烹鯉無尺素荅魚勞寸心疎麻

空有折芳桂湛無斟廣廷含夕氣開宇澹虛陰織虫垂夜  
砌驚鳥棲暝林驩娛百年促羈病一生侵詎堪孤月夜流  
水入鳴琴

烹鯉見送尹大詩荃魚踈麻俱見高四篇挂見陳文林  
篇又見閻五官篇沈休文網虫垂戶織當是蜘蛛之屬  
流水見高四篇

### 和李明府

傳聞葉縣履飛向洛陽城馳道臨層掖津門對小平霞殘  
疑製錦雲度似飄纓藻棣潘江徹塵虛范甑清詎怜衝斗  
氣猶向匣中鳴

葉縣履見安陽篇雙鳧鳥註洛陽城今河南府洛陽縣  
也買山傳奉為馳道於天下東窮燕齊南極吳楚江湖

之上濱海之觀早至道廣五十步三丈而樹厚築其外  
隱以金堆樹以青松漢令諸侯有制得行馳道者行旁  
道無得行中央三丈如令京師街道左右稍低惟中頗  
高馳道遺制也層重樓也門從旁出曰掖如人之腋下  
今左右掖門是也上有重樓故曰層掖漢宦官張讓段  
珪劫帝辨陳留王與數十人步出穀門夜至小平津六  
璽不自隨公卿無從者子皮欲使尹何為邑子產曰少  
未知可否子皮曰吾愛之使夫往而學焉子產曰吾子  
愛人以政猶未能操刀而使割也其傷實多子有美錦  
不使人學製焉大官大賈身所庇也而使學者製焉其  
為美錦不亦多乎易通卦驗冬至陽雲出箕如樹木立  
春青陽雲出房如積水春分正陽雲出張如積白鵠谷  
一兩太陽雲出參如車蓋立夏常陽雲出紫如赤珠夏至  
少陰雲出如水波立秋濁陰雲出如赤繒寒露正陰雲  
出如冠纓霜降太陰雲出上如羊下如碯石飄纓見東  
臺詳政篇潘岳傳贊機文喻海潘藻如江范甑見春夜  
常明府篇衝斗鳴匣見螢火篇又穎頊有畫影騰空二  
劍若四方有兵則飛指其方故戰則克未用時在匣中  
常如龍虎吟

葉縣古應子國周為應鄉春秋楚遷許子葉即此為  
沈諸梁邑漢置葉縣晉屬南陽國北齊置襄州東魏置  
定南郡后周廢襄州置南襄城郡又廢定南為縣隋初  
郡廢以縣屬許州后以定南縣省入唐初置葉州七罷  
仍以縣屬許州后析置仙島縣屬僊州尋罷州  
省縣宋屬汝州金屬裕州元因之今屬南陽府  
洛陽城周地名居洛水北故曰洛陽春秋屬晉戰國屬  
魏秦屬三川郡漢為河南郡治東漢信讖去水改維陽  
魏復為洛陽晉因之隋遷都治河南縣唐改洛陽為  
昌尋復舊宋初河南洛陽二縣並置金以河南縣省入  
洛陽縣元仍舊  
今屬河南府  
小平津即孟津也在洛陽城北都道所湊近  
代呼為武濟一曰富平津今名河陽津

望月有所思

九秋涼風肅千里月華開圓光隨霧湛碎影逐波來似霜  
明玉砌如鏡寫珠胎曉色依闌近澹聲雜吹哀離居分照

暉愁緒共徘徊自繞南飛羽空忝北堂才

八風立秋曰涼風月令仲秋之月涼風至白露降月華  
圓光見秋露篇又梁元帝江中月影詩風來如可泛流  
急不成圓秦鈞斷復接和璧碎還聯逐波又用漢書月  
穆穆以金波字珠胎見高四篇江淹儂休上人詩西北  
秋風至楚容心悠哉日暮碧雲合佳人殊未來露采方  
泛艷月華始徘徊室書為君掩瑤琴詎能開相思巫山  
緒悵望陽雲臺膏壚絕沈縈綺席生浮埃桂水日千里  
因之平生懷北堂猶北門也唐制學士謂之北門應制

寓居洛濱對雪憶謝二

旅思眇難裁衝飈限易哀曠望洛川晚飄飄瑞雪來積彩  
明書帳流韻遶琴臺色奪迎仙羽花避犯靈梅謝庭賞芳  
逸袁扉掩未開高人儻有訪興盡詎須迴

王融離夜詩翻潮尚知恨客思眇難裁衝飈見螢火篇  
曹子建洛川神賦髣髴兮若輕雲之蔽月飄飄兮若流

風之迴雪孫康家貧無油映雪讀書琴臺見鄭安陽篇  
流韻用映雪彈琴事列仙傳周灵王太子晋好吹笙作  
鳳鳴遊伊洛間道士浮丘公接上嵩山三十余年往來  
緜氏山其後見栢良曰告我家七月七日待我緜氏山  
頭至期果乘白鶴駕車舉手謝時人而去後人稱鶴駕  
本此按緜氏仙人養王喬健為武陽人為栢人令於此  
登仙非王子喬也又按綱目太子晋卒分註記與師曠  
講論殊無登仙之事未知此說何所自始大抵詩家用  
事多相襲成語不計有無虛實但記其說可也此因洛  
濱用太子晋因雪用羽衣陸城東一百里有花山舊傳  
灵濟祖師過此百草開花故名梅花如雪梅亦有代雪  
言者謝安因雪驟降取酒賞之因曰白雪紛七何所似  
兄子客兒曰撒盐空中差可擬无女道韞曰未若柳絮  
隨風起安曰杯絮才高不道盐安无奕也客兒名朗表  
安傳大雪文余洛陽令身出案行見民家皆除雪至安  
門無行路謂安已死令人除雪入戶見安僵卧問何不  
出安曰大雪人皆餓死不宜于人王子猷居山陰大雪  
夜開室命酌四望皎然因詠招隱詩忽憶戴安道時在  
剡乘興棹舟經宿方至造門而返或問之對曰乘興  
興而來興盡而返何必見戴安道耶安道遠字也

### 西行別東臺詳政學士

意氣坐相親閩河別故人客似秦川上歌從易水濱塞荒  
行辨玉臺遠尚名輪洩井懷邊將尋源重漢臣上苑梅花  
早御溝楊柳新只應持此曲別作邊城春

意氣見高四篇閩河猶閩山也秦川即霸水也易水歌  
見高四篇辨玉用卞和事以足玉塞之意輪臺地名在  
車師西北千里其東則渠犂也漢李廣利伐二師以洩  
城中井井水盡竭尋源見泊蒲類篇楊柳梅花雖因送  
別之境亦曲名也故云持此曲

### 送吳七遊蜀

蜀見費  
六題註

日觀分齊壤星橋抵蜀門桃花澌別踏竹葉瀉離尊夏盡

蘭猶茂秋深柳尚繁霧銷山望迥風高野聽喧勞歌徒欲  
奏贈別竟無言唯有當秋月空照野人園

日觀見高四篇蜀有七星橋張儀所造李膺益州記一  
曰長星二曰員星三曰機星四曰夷星五曰尾星六曰  
冲星七曰曲星桃花竹葉俱見尹大篇勞歌贈別俱見  
之問篇陳張正別王應令詩青雀離帆遠朱鷺別踏遙  
維有當秋月  
夜夜上河橋

### 春晚從李長史遊開道林故山

幽尋極幽壑春望陟春臺雲光棲斫樹霞影入仙盃古藤  
依谷上野徑約山隈澗澁翻風去流鶯滿樹來興蘭荀御  
動歸踏起浮埃

漢書谷永曰遙興輕舉登霞倒景陸機前后聲歌獻酬  
既已周輕舉乘紫霞註言衆仙會集乘霞而去荀爽見

李膺因為之御喜曰  
今日乃得御李君矣

### 和王記室從趙王春日遊陔山寺

鳥旛陪訪道鷲嶺治棲真四禪明靜業三空廣勝因祥河  
踈疊澗慧日皎重輪葉暗龍宮密花明康苑春雕談空奧  
旨妙辨漱玄津雅曲終難和徒自奏巴人

鳥隼曰旛訪道指趙王也鷲嶺見序文遺事註棲真謂  
真人所棲也沈休文鍾山詩八解鳴澗流四禪隱岩曲  
註大品經云初禪二禪三禪四禪隱此山岩之曲八解  
池名禪以靜為主故曰靜業智度經混袈有三門一曰  
空門二曰無相門三曰無作門謂現諸法無我無作者  
受者是三空之名故號空門大乘經曰欲知過去因今  
生受者是欲知未來因今受者是勝如勝國之勝過  
去之因也王簡栖頭陀寺碑祥河輟水寶樹低枝瑞應  
經曰時連河水流甚疾佛以自然神通斷水涌起高出  
人頭令底揚塵佛在其中又曰佛后日入指地池溧浴

畢欽出無所攀池上有樹曲枝下就佛牽而出頭陀寺  
碑又云澄法雲於真際則火宅晨涼曜慧日於康衢則  
重昏夜曉華嚴經慧日大聖尊久乃說是法劉蚪註善  
薩員淨照均明兩故曰慧日又北史李士謙善論玄理  
有客問三教優劣答曰佛日也道月也儒五星也六帖  
山重高海重潤日重光月重輪龍宮見序文遺事註紫  
陽真人周義山遇羨門子乘白鹿佩青髦之節又十洲  
記苑囿之中白鹿白鶴皆在焉史記齊人頌曰談天衍  
雕龍奭炙較過髡劉向別錄鄒衍之所言五德終始天  
地廣大故曰談天騶奭脩衍之文若雕鏤龍文故曰雕  
龍過作輶車盛膏器也炙之而膏愈  
澤辨口捷給似之巴人見高四篇

### 冬日野望

故人無與晤安步陟山椒野靜連雲卷川明斷霧銷靈巖  
聞曉籟洞浦漲秋潮三江歸望斷千里故鄉遙勞歌徒自  
奏客魂為誰招

晤遇也詩國風彼澤之陂篇彼美叔二姬可與晤言漢  
武悼李夫人賦釋輿馬於山椒兮奄終夜之不陽註山  
椒山陵也注子齊物論篇南郭子綦謂顏成子游曰女  
聞人籟而未聞地籟女聞地籟而末聞天籟子游曰地  
籟則衆竅是已人籟則比竹是已敢問天籟曰夫吹萬  
不同而使其自已也成其自取怨者誰耶註籟籟也猶  
云聲也左思吳都賦擢歌唱籟籟鳴註籟三孔笛也凡  
孔竅機括皆曰籟書禹貢篇三江既入三江在蘇州府  
崑山縣南九里唐仲初吳郡賦注松江七十里分流東  
北入海者為婁江東南流者為東江併松江為三江其  
地今亦名三江口吳越春秋范蠡出遊三江口即此郭  
璞山海經註岷山大江所出峽山南江水所出岨山北  
江水所出三江皆原出於蜀而注震澤禹貢但言入耳  
此與仲初註異勞歌見之問篇屈原自投汨羅宋玉悲  
其師見故而死以  
詞格之名曰招魂

### 夕次舊吳

張九韶三吳記東吳蘇州中吳潤州西吳湖  
州舊吳吳之舊都即蘇州也潤州今鎮江府

維舟背楚服振策下吳畿盛德弘三讓雄圖枕九圍黃池  
通霸業赤壁暢戎威文物俄遷謝英灵有盛衰行歎鴟夷  
沒遽惜港盧飛地古煙塵暗年深館宇稀山川四望是人  
事一朝非懸劍空留信亡珠尚識機鄭風遙可托関月眇  
難依西北雲逾滯東南氣轉微徒懷伯通隱多謝買臣歸  
唯有荒臺露薄暮濕征衣

楚服楚地也如侯服甸服之服註服事也謂田賦之事  
也王都曰畿吳畿以吳之舊都言即蘇州也三讓指太  
伯也詩商頌長發篇帝命式于九圍註九圍九州也春  
秋傳魯哀公十三年公會單平公晉定公吳夫差于黃  
池爭先歃吳人曰於周室我為長晉人曰於姬姓我為  
伯趙鞅歃與吳戰司馬寅曰肉食者無墨今吳王有墨  
其以國勝乎太子死乎且夷德輕不忍久請少待之乃  
先吳人時越入吳殺王子地劉備與曹操戰敗奔孫權

操遂東下權遣周瑜魯肅等與備迎擊於赤壁大破之  
赤壁在今湖廣武昌府城東南五十里鴟夷馬革也子  
胥諫夫差不聽賜錫鏐之劍以死以馬革裹其尸投之  
江后范蠡相越滅吳棄官遊五湖自號鴟夷子皮港盧  
飛見螢火賦四望見崔駙馬篇吳季札過徐徐君愛其  
宝劍口不敢言札心知欲獻之使還後過徐徐君已死  
札解劍懸墓而去戰國策張丑質於燕上欲殺之走出  
境上吏得丑上曰燕欲殺我者人有言我有宝珠也今  
我已失之而燕不信我上且言子奪我珠而吞之王必  
剗子之腹吏恐放之伍員得罪於楚欲奔吳至昭関上  
吏執之員亦云云吏亦釋之鄭弘採薪白鶴山得一箭  
有一人見而取之弘即還之聞弘何所欲弘識其神人  
也曰常患若耶溪載薪為難願旦南風暮北風后果然  
故若耶溪至今猶然號鄭公風今名樵風淫在紹興東  
二十五里関月疑是關月見高四篇夢月註若作関月  
即與関山同然不應虛对關澤亦吳人也西北雲見白  
雲抱函石篇秦皇時望氣者云東南有天子氣故始皇  
東遊以厭之后漢梁鴻字伯鸞其妻孟光字貞曜隱於  
吳依富人臯伯通廡下為人賃舂其妻具食舉案齊眉  
伯通異之舍之於家后病困告其妻曰我死慎勿持我



喪去及卒伯通葬之要離冢旁曰要離烈士伯為清高  
可相近也買臣事見諫懷古意上裴侍郎篇荒臺露見  
宿山  
庄篇

### 過故宋

故宋地名史記穰侯傳須賈曰割晉國秦兵不攻而  
魏必效絳安邑又為陶開兩道幾盡故宋註此時宋  
已滅時秦盡得故宋地也故曰故宋漢為梁國治碭  
縣后遷治睢陽縣東漢國除晉改碭郡隋置宋州改  
縣曰宋城大業初改州曰梁郡唐初為宋州后為睢  
陽郡五代梁為宣武軍唐改歸德軍宋升南京以太  
祖嘗節度受禪也治宋城金改府曰歸德後改宋城  
曰睢陽元因之本朝降為宋州以睢陽縣入屬開

府封

舊國千年盡荒城四望通雲浮非隱帝日舉類遊童綺琴  
朝化洽祥石夜論空馬去遙奔鄭蛇分近帶豐池文斂束

水竹影漏寒叢園兔承行月川鳥避斷風故宋城難定從

梁車未工唯當過周客獨愧吳臺空

四望見崔駰馬篇雲浮隱帝見詠雲酒臨碭註黃帝將  
見大隗乎具茨之山方明為御昌禹駮衆張若認明前  
馬昆關滑稽后車至於襄城之野七聖皆迷無所問途  
遇牧馬童子問途焉黃帝曰異哉小童請問治天下小  
童曰予少而身遊於六合之內子適有贅病有長者教  
予曰若乘日之車而遊於襄城之野今子病少瘥予且  
復遊於六合之外矣治天下亦若此而已子又奚士烏  
又舉頭見日事見高四篇蔡邕有琴名綠綺化洽引子  
賤鳴琴事見帝明府宅宴詩春秋傳僖公十六年春隕  
石于宋五隕星也六鷁退飛過宋都風也周內史叔興  
聘于宋宋襄公問焉曰是何祥也吉凶為在對曰今茲  
魯多大喪明年齊有亂君將得諸侯而不終退而告人  
曰君失問是陰陽之事非吉凶所由生也吉凶由人吾  
不敢逆君故也論語北考識曰殷或妲己玉馬走宋任  
昉勸梁武進牋曰是以王馬駿奔來微子之去金版出  
地告龍逢之怒討王白也金版見論語陰戲識曰庚子

之旦金版剋書出地中曰臣族管王禽宋穆公疾召大  
司馬孔父立其弟與夷使其子馮出居鄭故左傳云宋  
殤公之即位也公子馮出奔鄭鄭人欲納之漢高微時  
被酒夜徑大澤中有大蛇當徑拔劍斬之后蛇所有老  
姬哭曰吾子白帝子也化為蛇當道今赤帝子斬之因  
忽不見大澤在今徐州豐縣西二十里今名斷蛇溝東  
水束帶之水也寒叢猶言寒林上疎影出如漏然耳謝  
惠連雪賦梁王不悅遊於兔園乃置昔酒命賓友召却  
生延枚叟註孝王漢竇太后愛子景帝母弟有國名曰  
兔苑孝王卒太后哀慕之景帝以其苑令民得耕種乃  
置宮中籍其租稅以供祭祀其簿籍皆俚語文字故鄉  
俗所誦謂之兔園冊行月見遠使海曲篇川鳥斷風即  
六鷁退飛事從梁指漢景帝時梁王有異謀公孫勝羊  
詭等附之后俱伏誅詩國風黍離篇朱傳云周室東遷  
大夫行後過於宗周見宗廟宮室盡為禾黍憫周室之  
顛覆傍徨不忍去故因所見以起興吳臺見宿山莊詩

詠懷

少年識事淺不知交道難一言芬若桂四海臭如蘭寶劍

思存楚金錘許報韓虛心徒有託循迹諒無端太息關山  
險于差歲月闌忘機殊會俗守拙異懷安阮籍空長嘯劉  
琨獨未慳十步庭芳歛三秋隴月團槐疎非盡意松晚夜  
凌寒悲調絃中急窮愁醉裏寬莫將流水引空向俗人彈

如蘭見靈泉頌伍員與申包胥為友員奔吳臨別與之  
劍曰我必覆楚也包胥曰我必復之后伍員以吳兵入  
郢鞭平王尸昭王奔包胥乞秦師敗吳兵昭王及國張  
良五世相韓亡亡不愛萬金之產為韓報讎秦皇東遊  
至博浪沙中良使力士操鐵椎擊之誤中副車始皇大  
驚令天下大索十日不得阮嘯見遠使海曲篇劉琨晉  
人字越石守晉陽為胡騎所圍窘迫無計乃登樓乘月  
清嘯賊聞之皆悽然長嘆中夜奏胡笳賊流涕歎欬有  
懷土之切向曉復吹之賊並棄圍而走後段匹磾期  
討石勒碑從弟末波納勒賂不進匹磾奔其兄喪琨遣  
子群送之為末波所獲波厚禮之許以琨刺幽州共結  
盟襲匹磾遣齋群書納琨約為內應為碑邏騎所得碑

遂拘琨上殊無此意自知必死神色怡然為五言詩贈其別駕盧謏竟為匹碑所縊謏率琨余衆依未波朝廷以匹碑尚強冀其平河朔不為琨舉哀温躋表琨忠數歲乃贈大尉谷盧謏書極哀慘見秋日送別詩註十步庭芳見秋菊詩槐疎見味蟬序註窮途見遂萊鎮流水引見高四篇

### 邊夜有懷

漢地行逾遠燕山去不窮城荒猶築怨碣毀尚銘功古戍煙塵暗邊庭人事空夜闌明隴月秋塞急胡風倚伏良難

定榮枯豈易通旅魂勞泛梗離恨斷征蓬蘇武封猶薄崔

駟官不工唯余北叟意欲寄南飛鴻

漢地猶云漢騎胡人指中國也燕山今天壽山賈誼過秦論阿房築愁長城築怨一夫作難而七廟隳身死人手為天下笑碣當是碣字石碑之小者古今原始云秦皇登芝罘山刻石頌功后世碑銘始此然禹已有碑矣

老子順化章禍兮福之所倚福兮禍之所伏孰知其極泛梗見浮查篇征蓬見泊河曲篇蘇武使匈奴不屈被留十九年乃歸漢封為典屬國李陵在匈奴吞武書曰闕子之歸賞不過二百萬位不過典屬國崔駰與班固傳毅同時齊名常以典籍為業未遑仕進時人或譏其大玄靜將以后名失實駰擬揚雄解朝作達旨以答之

后為實憲椽察高第出為長岑長自以遠去不得志遂不至官而歸卒于家北叟意見憲臺出禁篇南飛鴻見

蕩子從軍賦同道書來鴈飛註

燕山漢為幽州治薊縣元鳳初改廣陽郡本始初更廣陽國東漢復為幽州三國魏改燕國晉改范陽國后魏

於薊立燕郡又於郡置幽州后周立總管於幽州隋省州入涿郡唐初復為幽州開元中改范陽郡乾元初復為幽州遼初改幽都府后改析津府宋改燕山府金改大興府元改大都路洪武初為北平布政使司太宗

封此為燕王后靖難遷都改順天府以大興宛平貳縣附

夕戍邊城有懷京邑

擾擾風塵地，遑遑名利途。盈虛一易舛，心迹兩難俱。弱齡  
小山志，寧期大丈夫。九微光貴玉，千仞忽彈珠。棘寺遊三  
禮，蓬山造八儒。懷鈔慙后進，投筆願前驅。北走非通趙，西  
之似化胡。錦車朝促候，刁斗夜傳呼。戰士青絲絡，將軍黃  
石符。連星入寶劍，半月上雕弧。拜井開踈勒，鳴桴動密須。  
戎機習短蔗，杖屨靜長榆。季月炎初盡，邊亭草早枯。層陰  
籠古木，窮色變寒蕪。海鶴聲嘹唳，城烏尾畢逋。葭繁秋引  
色，桂滿夕輪孤。行役風霜久，鄉西夢想徒。霸池遙夏國，秦  
海望陽紆。沙塞三千里，京城十二衢。楊溝連鳳闕，槐路擬  
鴻都。壁殿規宸象，金隄法斗樞。雲浮西北蓋，月照東南隅。  
寶帳垂連理，銀床轉轆轤。廣筵留上客，豐饌引中厨。漏緩  
金徒箭，嬌繁玉似壺。秋濤飛逾馬，春水泛仙臚。意氣風雲  
合，言忘道術趨。共矜名已泰，詎肯沫相濡。有志漸雕朽，無  
庸類散樗。開山漸超忽，形倦嘆艱虞。結網空知羨，圖榮豈  
自誣。忘情同塞馬，比德類宛騅。隴坂肝腸絕，陽關亭障迂。  
迷魂驚落鴈，離恨斷飛鳧。春去容華盡，年來歲月無。邊愁  
傷郢調，鄉思繞吳歆。河氣通中國，山途限外區。相思若可  
寄，冰泮有銜蘆。

風塵見江南贈之間篇遑上猶皇也韓文孔聖亦云  
其達上易消息盈虛與時偕行心迹見晚憇田家篇人  
生十年曰幼弱任彥升天監策問朕本自諸生弱齡有  
志小山見早發睢口篇大丈夫即景春所謂大丈夫也

黃帝內傳王母授帝洞霄盤雲九華燈紫二此燈名之  
始漢武內傳七夕掃除宮掖張雲錦之惟然九微灯夜  
二唱后西毒駕九色班龍上殿貴王光彩如玉也千仞  
彈珠見之間篇棘寺旂之以棘如今之棘闌也或曰植  
棘於庭禮所謂聽之規棘之下是也禮記十七篇魯高  
堂隆得之后瑕丘蕭奮以授同郡后蒼后蒼授梁人戴  
德及德從兄子聖沛人慶普於是德為大戴禮聖為小  
戴禮普為慶氏禮三家皆立博士謂之三禮漢李咸學  
魯詩春秋公羊傳三禮是也蓬山見寄東臺詳政學士  
詩左傳僖子使平蒧氏之箴註箴列也所謂駕箴是也  
陶潛八儒序曰夫子沒后散於天下設於中國成百代  
之原為紀綱之儒居環堵之室華門圭竇甕牖繩樞并  
日而食以道自居也為有道之儒子思氏之所行也衣  
冠中動作慎大讓如慢小讓如為者子張氏之所行也  
頽氏傳書為道為諷諫之儒孟氏傳書為道為疏通知  
遠之儒漆雕氏傳禮為道為恭儉莊敬之儒仲梁氏傳  
樂為道以和睦陰陽為移風易俗之儒樂正氏傳春秋  
為道為屬詞比事之儒公孫氏傳易為道為潔靜精微  
之儒楊子雲草大玄嘗懷鉛提槩投筆見泊蒲類詩比  
走見之間篇漢馬援傳耿舒與兄弇書曰馬伏波類西

域賈胡到一處輒止以是失利言其征交趾五溪蠻事  
也刀斗見蕩子篇銅焦註又虞子陽霍將軍比伐詩羽  
書時斷絕刁斗晝夜驚漢官儀宮城門擊刁斗周廬擊  
木析黃石符見白雲抱幽石詩連星見螢火賦拜井見  
靈泉頌桴所以擊鼓禮黃桴土鼓左傳密須氏之鼓魏  
文典論曰常與平虜將軍劉勳奮威鄧展等共飲宿聞  
展有手臂曉五兵余與論劍良久謂余言將軍法非也  
求與余對酒酣耳熱方食竿蔗便以為杖下殿數交三  
中其臂左右大笑祇字與襖同嘹唳鶴聲也陶弘景詩  
凄切嘹唳夜傷情城烏句見泊江鎮詩詩春風兼葭篇  
兼葭蒼白白露為霜言霜始降而葭尚蒼即引色之意  
也桂滿句指月也詩人多以桂輪指月如張喬月詩盈  
缺青冥外東風苦欲吹何人種丹桂不長出輪枝庾信  
詠月天漢看珠蚌星橋視桂花飛重翠闕莫落獨輪  
斜梁簡文詠月詩飛輪了無轍明鏡不安臺鄉西即西  
鄉也見崔駰馬詩霸池即霸水見發諸暨詩夏國今寧  
夏是也前漢書地理志河內曰冀州其山曰霍藪曰陽  
紆爾雅秦有陽紆沙塞三千里言遠也班固西都賦披  
三條之廣踞立十二之通門內則街衢洞達則十二門  
自有十二衢矣京城御溝旁植楊柳謂之楊溝鳳闕見

秋雲篇長安街道皆植槐柳故云槐路又漢元始中起  
辟雍明堂為博士舍列槐樹數行諸生每朔望各持方  
物交易號曰槐市云槐路即此也漢靈帝置鴻都門學  
諸生皆敕州郡三公舉用辟召或出為刺史太守入為  
尚書侍中封侯賜爵者士君子皆耻與列焉璧殿以  
石砌壁如王也規法也宸象天象也天上白王堂群  
仙所會之處金隄亦以色而言也斗樞見高四篇天樞  
註長安亦謂之北斗城皆以帝極言之也雲浮句見紫  
虛觀篇月照疑當作日照東南隅用天子氣事見夕次  
舊吳篇帳岳連理織連理木之文於其上如蕩子篇所  
謂蓮花帳也淮南子百尺高樓與天連后園作井銀作  
床金瓶素綆及寒漿鹿盧絞水之輪施於井上刻為鹿  
盧之形或作轆轤字梁劉綽班婕妤怨詩王闌金井牽  
鹿盧丹梁翠柱飛流蘇豐饌句見初秋登司馬樓序城  
隅註漏刻之法以水置漏中促是以浮刻漏之箭謂之竹箭  
唐詩所謂竹箭水繁更漏促是也或以金為九從格上  
流轉而下投銅壺中鏗然有聲謂之銀箭亦謂之金箭  
徐陵賦厭長樂之踈鍾勞中營之緩箭是也神異經云  
東王公與王女投壺更投十枝一千二百枝為一百二  
十鳥設有入不出者天帝為之警噓鼻一作矯矢躍也

亦音驕一作矯揚大年詩書題在是藏三尺壺矢誰同  
賽百嬌謝魚逸詞雙粲枕百嬌壺壽喻馬見度瓜步詩  
艦船頭也謝瞻詩榜人理行艦仙艦即仙舟也見之問  
篇李仙註意氣風雲道術俱見高四篇莊子大宗師篇  
泉涸魚相與處於陸相啣以濕相濡以沫不如相忘於  
江湖而其譽克而非桀也如兩忘而化其道離朽散  
檣見浮查篇列子陽問篇太行王居二山方七百里高  
万仞本南冀州之南河陽之北北山愚公者年且九十  
面山而居懲山北之塞出入之迂也聚室而謀曰吾與  
汝畢力平險指道豫南達于漢陰可乎雜然相許其妻  
獻疑曰以君之力曾不能損魁父之丘如太行王屋何  
且焉置土石雜曰投諸渤海之尾隱士之北遂率子孫  
荷擔者三月叩石懇壤箕畚運於勃海之尾鄰婦遺男  
始亂往助之寒暑易節始一反焉河曲智叟笑而止之  
曰甚矣女之不慧以殘年余力曾不能損山之一毛其  
如土石何愚公長息曰文心之固七不可徹不若媿妻  
弱子雖我之死有子存焉子又生孫孫又生子子又有  
子子又有孫子子孫無窮匱也而山不加增何者而  
不平智叟無以應操蛇之神蛇之神負二山一措朔東一措雍南  
帝感其誠命夸娥氏之子負二山一措朔東一措雍南

冀之南漢之陰無隴斷焉艱虞見在獄詠蟬篇結網見  
張平子墓塞馬見寒夜有懷詩北叟註宛地出良馬武  
帝使李廣利伐取之比德用驥稱其德意或曰駒作雛  
詩小隴山在鳳翔府隴州西岩高險不通軌轍漢張衡  
詩我所思兮在漢陽欲往從之隴坂長又土人歌云隴  
頭流水鳴聲嗚咽遙望秦川肝腸斷絕陽關見在軍中  
贈先還篇王門閔註前漢書酒泉列亭障至王門顧胤  
註亭望敵之所也障山中小城也顏師古曰漢制每塞  
山要險處別築為城因置吏士而為障蔽以打寇謂之  
候城此即障也張湯傳武帝謂博士曰吾使生居一障  
能無使虜入盜乎曰能於是遣乘障月余匈奴殺之驚  
落鴈見途中有懷篇虛芻註飛鳥見紫雲觀序郢調見  
之問篇左思吳都賦荆豔楚舞吳歛越吟陳后主聽事  
詩秦聲本自揚家解吳歛那知謝傳憐註吳歌曰歛詩  
苦乘篇誰上鳴鴈旭日始旦士如歸妻迨冰未泮張華  
鷓鴣賦彼日辰鳥與歸鴈又矯翬而增逝咸美羽而豐  
肌故無罪而皆斃徒街苦以避繳終為戮於斯世註鴈  
冰泮北歸體肥街蘆以避繒繳之患言欲托之寄相思  
也

幽繫書情通簡知己

昔歲逢楊意觀光賁楚材穴疑丹鳳起場似白駒來一命  
淪驕餌三緘慎禍胎不言勞倚伏忽此溝遄迴駉馬刑章  
峻蒼鷹獄吏猜爭縑非易辨疑璧果難裁除拙慚周姜端  
憂滯夏臺生涯一滅裂岐路幾徘徊青陸芳春動黃沙旅  
思催圓扉長寂上踈網尚恢上入窞方搖尾迷津正暴腮  
覆盆徒望日蟄戶未驚雷霜歇蘭猶敗風多木屢摧地幽  
蚕室閉門靜雀羅開自憫秦冤痛誰怜楚奏哀漢陽窮鳥  
客梁甫卧龍才有氣還衝斗無時會鑿坏莫言韓安國長  
你不然灰

蜀人揚意得幸漢武薦司馬相如所為文由此得進觀  
 光見之問篇春秋傳蔡聲子通使于晉還如楚令尹子  
 木與之語問晉大夫與楚孰賢對曰皆卿材也如杞梓  
 皮革自楚往也晉有姻族而用楚材實多山海經距齊  
 州以南戴日為丹穴丹穴之山有鳥五采而文曰鳳詩  
 小雅白駒篇皎皎白駒食我場苗繫之維之以求今朝  
 註托言賢者所乘之駒食苗而繫維之使其人因不得  
 去也禮一命齒于鄉里家語一命而俯言始受君命為  
 官也驕餌見高四篇孔子觀于周廟有金人焉三緘其  
 口而銘其背曰磨堯有古之慎言人也曰無多言也  
 多敗無多事也多害倚伏見邊夜有懷詩易屯如遭  
 如桓典為御史嘗乘驄馬宦官責戚為之語曰行行止  
 止避驄馬御史郅都為中尉嚴酷行法不避貴戚列侯  
 宗室見都側目曰蒼鷹漢薛宣守臨淮民有持縑者  
 出遇雨而因以自蔽有一人后至求分蔽其半既別遂  
 爭之聞于宣命命斬為二而分之因罪求分者張儀從  
 楚相飲已而相亡璧門下意儀掠答數百不服釋之儀  
 妻曰吁子無讀書遊說安得此辱儀曰視吾舌尚存否  
 及相秦檄楚相曰吾不盜汝璧今且盜而城姜里城名  
 在今河南彰德府湯陰縣北九里一名脯城北臨姜水

紂以鄂侯女不喜淫殺之而及鄂侯九侯爭又醢之文  
 王聞之而嘆遂囚之姜里桀囚湯於夏臺莊子養生篇  
 吾生也有涯而知也無涯以有涯隨無涯殆已註生涯  
 謂所稟之分量各有極也知謂人心無限量也莊子吾  
 滅裂而耕則其實亦滅裂而報予岐路見紫雲觀篇莊  
 子徬徨乎其側徘徊乎其下又見下文謝玄暉詩青陸  
 日所行之道春行青陸猶言北陸南陸也黃沙邊塞地  
 皆黃沙圓扉獄戶以圓木為扉也老子任為章天網恢  
 上疎而不失司馬遷報任安書猛虎在深山百獸震恐  
 及在檻穽之中搖尾而求食積威約之漸也交州記龍  
 門水深百尋大魚登此化龍不過者膠腮點額血流此  
 水恒如丹池謝玄暉觀朝雨詩戢戢希驥首乘流畏膠  
 腮動息無兼遂岐路多徘徊覆盆見螢火賦禮記月令  
 仲春之月雷始發聲蟄蟲啟戶始出韓詩外傳孔子聞  
 哭聲甚悲乃臯魚也問之曰木欲靜而風不止子欲養  
 而親不在遂自刎司馬遷報任安書李陵既生降隕其  
 家聲而僕又俾之蠶室註密室如飼蚕之室腐刑者下  
 之恐通風致死也雀羅見高四篇秦寃衝斗俱見螢火  
 篇楚奏見之問篇趙壹字元叔漢陽西縣人抵罪幾至  
 死友人救之得免乃貽書謝恩作窮鳥賦以貽之諸葛



亮隱隆中作梁甫吟曰步出齊城門遙望蕩陰里中有三墳纍纍正相似問是誰家墓田疆古冶氏力能排南山文能絕地理一朝被讒言二桃殺三士誰能為此謀相國齊晏子註齊景公有士三人田開疆古冶氏公孫接恃功恣行無憚公患之晏子請公餽之二桃令計功而食田古論功先食公孫自刎田古慙亦自刎烏孔明出齊城門作是吟以歎之鑿坏見酬思玄上人篇不然灰見螢火篇漢陽非今之漢陽乃漢郡名治冀縣三國魏置秦州晉改漢陽為天水郡治上街尋廢復置秦州宋齊復為秦州天水郡隋廢郡為秦州大業初復為天水郡唐復為秦州天宝初改天水郡乾元初復為秦州后移治成紀宋開禧為天水軍治天水縣金為鎮遠軍治成紀元復為秦州以成紀縣省入今因之改屬鞏昌府梁父太山下小山名漢以名縣始皇封太山立石下禪梁父即此也父音甫故又作甫在今泰安州東南一百一十五里蔡邕琴韻曰梁甫悲吟周公越裳琴操曾子耕太山遇雪旬月不得歸作梁山歌后因為梁父之曲

### 寒夜獨坐遊子多懷簡知已

故鄉眇千里離憂積萬端鶉服長悲碎蝸廬未卜安富鈞徒有想貧錢為誰彈柳秋風葉脆荷晚露文團晚金薰岸菊餘佩下幽蘭伐木傷心易維桑歸去難獨有孤明月時

### 照客庭寒

子夏家貧衣若懸鶉人曰子何不仕曰諸侯之驕我者吾不為臣大夫之驕我者吾不復見魏焦光字孝然結草廬於河間號蝸牛廬呻吟其中后野火燒之乃露寢雪中袒卧人視之並如故后百余歲卒張氏世為功曹晨起有鳩從承塵飛下功曹曰鳩為我禍耶當往承塵上為我福耶即入我懷中遂入懷探之得銅鈞因帶之官至數郡子孫或至九卿后張氏婢受蜀賈賂竊鈞以去張漸衰或告賈人曰天命不可力求也反張氏遂復昌故閔西稱張氏傳鈞云又吳越春秋闔閭令國中作金鈞令曰若善鈞者賞百金有貪賞者殺二子以血彘鈞遂命曰吳鈞此則劍也貧鈞見懷古上裴侍郎詩幽蘭伐木見酬思玄上人維桑見送闔五序陶淵明為彭

馬子集詩卷之二  
澤令賦歸去來詞歸隱未  
二句意見送吳七遊蜀

### 叙寄員半千

半千字榮期王義方嘗曰五伯歲一賢者生子宜當  
之因改今名本宋劉疑十世孫疑因齊受禪奔魏自  
比伍員改姓員唐謠云令公四俊苗李崔員以後證  
先員音運陸龜蒙誤讀作先韻其詩曰賴得伍員騷  
思少夫差剛免似荆懷宋人小說龜蒙博學誤讀以  
此按字書員有真先運三韻如生員之員方員之員  
皆先韻但字皆以口不以厶俗以厶非也鄙語云私  
和去古勾句呂台如何通用半千羈州通書史舉童  
子對詔高第長事王義方以邁秀見賞凡八科舉皆  
中上書自陳願得天下英才與權所長有一居先臣  
當伏死都市不報調武陟尉矯令殷子良旨發票賑  
民刺史大怒下之獄薛元超責太守釋之俄舉岳牧  
對三策舉高第武后擢正諫大夫忤旨遷水部郎中  
武三思忌之出刺蘄濠二州半千事五君有清白節  
年老不衰樂山水自  
故卒吏民哭野中

薄宦三河道自負十餘年不應驚若屬祇為直如弦坐歷  
山川險吁嗟陵谷遷長吟空抱膝短翮距冲天竟歸滄海  
上望斷白雲前釣名勞拾紫隱迹自談玄不學多能聖惟  
思鴻寶仙斯志良難已此道豈徒然嗟為刀筆吏耻從繩  
墨牽岐路情難狎人倫地本偏長揖謝時事獨往訪林泉  
寄言二三子生死不來旋

阮籍詠懷詩及顧望三河詳見春霽早行篇註籍於魏  
末晉文王之代慮禍此詩多刺時人情薄逐勢利晉文  
王河內人故托稱三河其地謂河南河內河東也乾之  
九三曰君子終日乾乾夕惕若厲無咎唐人以若厲為  
句如韓文公讀禮記孺行以聞流言不信其行為句也  
漢順帝末童謠曰直如弦死道邊曲如鉤反封侯袁淑  
効曹子建樂府五侯競書幣群公亟為言義分明於霜  
信義直如弦詩十月之交篇高岸為谷深谷為陵謂遷

易常處也此二句亦指人情言之孔明隱於隆中抱膝  
長吟短翮見懷古上裴侍即魏說趙欲共尊秦為帝以  
却其兵魯仲連往見魏使新垣衍曰彼秦者棄禮義而  
尚首功之國也彼即肆然而為帝於天下則連有蹈東  
海而死耳不願為之民也衍起再拜曰吾乃今知先生  
天下上也不敢復言帝秦矣又孔子觀滄海之橫流既  
然嘆曰文王既沒文不在茲乎白雲拾紫談玄俱見高  
四篇多能聖指孔子也漢宣帝信神仙方術淮南王有  
枕中鴻寶苑秘書言神仙使鬼丹砂為金之術及鄒衍  
重道正命方世人莫見而劉更生主父德武帝特治淮南  
獄得書更生幼誦讀以減死論沈佺期詩靜夜思鴻室  
清晨朝鳳京汲黯責張湯曰天下謂刀筆吏不可為公  
卿果然必湯也今天下重足而立孟子大匠不為拙工  
改廢繩墨猶言法度也坡語見紫雲觀篇地偏見秋日  
山行篇李陵答蘇武書長與足下  
生死辭矣即此詩末二句之意

### 棹歌行

漢武帝幸河東祀戶七作秋風辭曰秋風起兮白雲  
飛草木黃落兮鴈南歸蘭有秀兮菊有馨懷佳人兮

不能忘泛樓舫兮濟汾河橫中流兮揚素波蕭鼓鳴  
兮發棹歌歡樂極兮哀情多少壯幾時兮柰老何棹

本此

寫月圖黃罷凌波拾翠通鏡花搖菱日衣麝入荷風葉露  
舟難蕩蓮踈浦易空鳳媒羞自託鴛翼恨難窮秋帳燈光  
翠倡樓粉色紅相思無別曲併在棹歌中

梁江淹別賦慙幽宮之錦瑟悔臺上之流黃張載擬四  
愁詩佳人遺我筒中布何以報之流黃素註后周靜帝  
令宮人黃眉黑粧至唐猶然温飛卿有豹尾車前趙飛  
燕柳風吹散娥間黃之句馮偉壽春雲怨詞宮黃額試  
王荆公亦云漢宮嬌額半塗黃已起于漢又幽怪錄神  
女智瓊額黃則效而粧之者也凌波見詠美人篇庾信  
鏡賦臨水則池中月出照日則壁上菱生梁庾肩吾尋  
周弘靖詩石鏡菱花發桐門琴曲秋衣麝衣之香也荷  
衣之色也左傳魯僖公三年齊桓公與蔡姬乘舟于固  
蕩公公懼變色禁之不可公怒歸之未之絕也蔡人嫁

之明年遂侵蔡伐楚為召陵之盟司馬相如以琴音挑卓文君曰鳳兮鳳兮歸故鄉遨遊四海求其凰文君喻其音遂自奔相如于室搜神記宋大夫韓朋妻美宋康王奪之朋怒王囚之因自殺妻乃陰腐其衣襟與王登臺自投而下左右攬衣不勝手遂死遺書于帶曰願與韓氏死而葬王怒異之二塚相對經宿忽有樹生二塚上根交枝連有鳥如鴛鴦各棲樹朝暮悲鳴而舞其音感人

### 傷祝阿王明府有序

阿春秋時齊桓公與魯會柯而盟即此為祝阿戰國末屬秦漢置東阿縣屬東郡晉屬濟北國隋屬北齊郡唐初屬濟陽郡后屬鄆州宋屬東平府元因之今改屬兗州徐廣曰史記齊之東阿縣緡帛所出故曰阿緡子虛賦被阿錫漢房中歌曳阿錫如淳曰阿細緡錫細布

夫心之悲矣非閔春秋之氣聲之哀也豈移金石之音何則事感則萬緒興端情應則百憂交軼

是以宣尼舊館流襟動激楚之悲孟嘗高臺承睫下聞

### 琴之決

禮孔子之衛遇舊館人之喪入而哭之哀出使子貢脫駟以轉之子貢曰於門人之喪未有所脫駟也於舊館無乃已重乎孔子曰吾鄉也入而哭之遇於一哀而出涕子惡夫涕之無從也小子行之孫綽徐君墓頌徘徊立側淒焉流襟楚詞招魂篇宮庭震驚發激楚些枚乘七發於是發激楚之清風揚鄭衛之皓樂註激楚曲名悲歌也孟嘗君謂雍門周曰先生鼓琴能令我悲乎周曰千秋萬歲后高臺傾曲池塹墳墓平嬰兒豎子樵採其上躑躅其足而歌曰夫以孟嘗君尊貴乃若是乎孟嘗君遂泣下增哀睫目邊毛也列子焦螟飛而集於蚊睫弗相觸也雍門在今徐州城東南五十里

祝阿王明府毓德丹穴襲古黃裳靈基峙金闕之峰層源瀨玉輪之坂既而鴻飛漸陸將聘平與之龍鶴鳴在陰爰

絆朝歌之驥乃當名縣闕月德貫陳星豈徒遽切夢瓊掩

沈連石

丹穴見幽紫書情穴疑丹鳳起註易坤六五黃裳元吉象曰黃裳元吉丈在中也東方朔神異經北方中有金闕高百丈詳見軍中贈先遠篇王輪坂地名洛江之水所經易漸九三鴻漸于陸夫征不復象曰夫征不復離群醜也汝南許劭與兄虔俱知名汝南人稱平輿之洲有二龍鶴鳴在陰兒王明府參選詩此取陰字淮南子曾子至孝不過勝母墨子雖樂不入朝歌却陽上吳王書里名勝母曾子不入邑號朝歌墨子曰車子建與吳質書墨翟不好妓何為過朝歌而迴車乎闕月陳星俱見贈之問篇春秋傳魯聲伯夢涉洹或與已瓊瑰食之泣而為瓊瑰從而歌曰濟洹之水贈我以瓊瑰歸乎歸乎瓊瑰盈吾懷乎懼不敢占也還自鄭壬申至于貍脈而占之曰余恐死故不敢占也今衆繁而從余三年矣無傷也言之莫而卒淮南子曰日出於暘谷浴於咸池拂於扶桑晨明登於扶桑之上爰始將行是謂朏明至於曲阿是謂朝明隱于曾泉是謂早食次于桑野是謂

晏食臻於衛陽是謂禺中對于昆吾是謂正中靡于鳥次是謂小遷至于悲谷是謂脯時迴于女紀是謂大遷經于隅泉是謂高春頓于連石是謂下春爰止羲和爰息之螭是謂懸車薄于隅泉是謂黃昏淪于蒙谷是謂定昏日入崦嵫經細柳入虞泉之地曙于蒙谷之浦日西垂景在於樹端謂之桑榆註連音爛連石西北之山陰地也

平與古沈子國戰國屬楚后屬秦漢置平輿縣以汝南郡治此後齊隋復置王世充置輿州唐州齊元省入汝陽縣故城在汝寧

府城西汝水之南朝歌古邑名本紂所都武王分其地北為邶南為鄘東為衛春秋時邶鄘皆入於衛戰國屬魏秦屬河東郡漢為汲縣地屬河內郡曹魏置朝歌郡屬冀州晉改汲郡後魏改義州後周改衛州隋改汲郡唐復為義州尋改

衛州屬河北道宋因之金改河平軍元改衛輝路今為府屬河南

嗟乎輪銷桂魄驪珠毀貝闕之前斗散紫氛龍劍沒延平

之水某夙承嘉惠曲荷恩光留連嘯歌從容風月撫心陳迹泣血漣如

漢武悼夫人賦秋氣慘以淒淚兮桂枝落而銷亡註以挂枝芳香喻夫人也愚按此乃以月言之蓋花殘月缺之意也驪珠見高四篇貝闕見泊河曲篇劉公幹贈後弟詩鳳凰集南岳徘徊孤竹根於心有不厭奮翻凌紫氛註紫氛天氣也雷煥發劍之後牛斗間紫氣漸散余見螢火篇詩小雅白華篇嘯歌傷懷念彼碩人註云使我嘯歌傷懷而念之也風月懷舊之意易七之上六乘馬班如泣血漣如連垂涕之貌

然而始終者萬物之大歸生死者百年之常分雖則知理之可有而未曉情之可無聊綴悲歌敢貽同好諸君或締交三益列宰一同或叶契荃蹄投心膠漆如比肩於千里遠傷魂於九原既切芝焚彌深蕙嘆蓋言四始同賦七哀

庶蘭室流薰襲遺芳而化德故蓬心深拙效庸音於起予觸目多懷周增流動

陸機弔魏武夫始終者萬物之大歸死生者性命之區或是以臨喪隕而復悲既陳根而絕哭今乃傷心百年之際興衰無情之地意者無乃知衰之可有而未識情之可無乎張蔚與蔣謂羊仲為三益之女左傳子產曰天子之地一圻大國一國註方百里曰同荃蹄見高四篇膠漆見靈泉頌千里見寶六郎宅宴又見柴大夫挽詞白馬故人註戰國策淳于髡一日薦七人齊宣王曰寡人聞千里一士是比肩而至也九原亦見柴大夫篇陸機歎逝賦信松茂而栢悅嗟芝焚而蕙嘆本淮南子巫山之上順風縱火紫芝與蕭艾俱死栢悅蕙嘆四始見閻五篇五際註陳思王贈弟仲宣有七哀詩阮鴉王粲亦有七哀詩蘭室見早秋出塞篇蓬心見祭諸暨詩

洛川真氣上重泉惠政融含章先後烈繼武嗣前雄契與良難驗生涯忽易窮翔鳧猶在履狎雉尚馴童錢滿荒階

綠塵浮虛帳紅夏餘將宿草秋近未驚蓬烟晦泉門夕日  
遠夜臺空誰堪孤隴外獨聽白楊風

洛川真氣精王明府得洛水之秀氣也東觀漢紀王阜為重泉令鷲集學宮阜使椽汝豐為張雅樂擊磬鷲舉足垂翼應聲而舞翔翔縣庭留十餘日乃去易坤之六三曰含章可貞或從王事無成有終晉辛曠與皇甫謐書含光烈於千載之前吐英聲於萬世之后詩大雅下武篇昭茲來許繩其祖武註武王之道昭明如此來世能繼其迹生涯見幽繫書情篇鳧復見鄭安陽篇狎難馴童見常明府宅宴詩沈約衣詩高車塵未滅珠履故餘聲賓階綠錢滿客位紫苔生言人跡罕到蒼苔不踐帳上虛光也苔錢見出石門篇禮檀弓魯子曰朋友之墓有宿草而不哭為註墓上草根陳宿是期年之外可無哭矣蓬至秋而飛見泊河曲篇泉門夜臺見樂大夫挽詞北上塚上多種白楊陶潛挽歌詞荒草何茫茫白楊亦蕭蕭又見丹陽刺史挽詞青松註

五言絕句

在軍登城樓

城上風威冷江中水氣寒戎衣何日定歌舞入長安

書武成篇一戎衣而天下大定唐薛仁貴定天山還將士歌曰將軍三箭定天山壯士長歌入漢關即此詩意

於易水送人一絕  
此地別燕丹壯髮上衝冠昔時人已沒今日水猶寒

地名事蹟俱見高四篇

桃燈杖

稟質非貪熱焦心豈憚熬終知不自潤何處用脂膏

詠塵

凌波起羅襪含風染素衣別有知音調聞歌應自飛

凌波見詠美人詩染素衣見途中有懷  
詩知音見贈高四篇聞歌見塵灰篇

翫初月

忌滿光恒缺乘昏影漸流自能明似鏡何用曲如鈎

曲如鈎見叙寄員半千篇宋孝武齋中望月詩褰幕蕩  
暄氣入夜漸流清齊虞羲詠秋月初生似玉鈎裁滿如

團扇

詠照

也鏡

寫月無芳桂照日有花菱不持光謝水翻將影學冰

花菱見棹歌行鏡花搖菱註周庾信詠鏡詩玉匣聊開  
鏡輕灰暫拭塵光如一片水影照兩邊人月生魚有桂  
花開不逐春試挂淮南竹堪能見四隣傳物志削冰令  
圓舉以向日以艾承其影則有火出鏡有陽燧見螢火

篇故云  
學冰

詠駝雜言

時年  
七歲

鵝鵝鵝曲項向天歌白毛浮綠水紅掌撥青波

七言古風

上吏部侍郎帝京篇有啓

漢光武改常侍曹為吏部曹  
主選舉是吏部尚書之始

某啓昨引註日垂索鄙文拜手驚魂承恩累息楚鞏丹

質在荆南以多斬遼豕白頭望河東而載惡

書周公拜手稽首註拜手首至手也稽首首至地也  
尹文子楚人握山雞路人問之曰此何鳥也對曰鳳



鳳也。路人曰：今始見鳳凰乎？請價千金，弗與。加倍與之，方欲獻諸王，經宿而死。蹠人不遑惜其千金，惟恨不得獻。王王聞之，感其欲獻，已召厚贈之。過買鳳之金十倍，暈即雉也。以其丹質，遂以為鳳耳。荆南今荆州也。光武討王郎，彭寵發突騎，轉糧食，前不絕負功。望高帝接之，不能滿。幽州牧朱浮與之書曰：臣見遼東有豕生子，白頭適欲獻之，道遇群豕，皆白以子之功，論於朝廷。遼東豕也，寵遂反攻。浮司馬相如封禪文，以登介丘，不亦惡乎？

其散樗易朽，蟠木難容。雖少好讀書，無謝高鳳而老不

曉事有類楊雄，徒以易象六爻，函贊適乎政本。詩人玉

際比興在乎國風

散材蟠木俱見浮查篇。高鳳字文通，好學，妻之田。晒麥於庭，令鳳護雞。天暴雨，鳳誦經不覺潦水流，麥妻還怪，問鳳始知之。楊脩答曹植書曰：脩家子雲老不曉事，疆著一書悔其少作。若比仲山周旦之徒，則皆

有愆乎？蓋指劇秦美新之作也。易繫詞曰：昔者聖人之作易也，幽贊於神明而生者，參天兩地而倚數五

際見闕五官篇

故體物成章，必寫情於小雅。登高能賦，豈圖榮於大夫

蓋欲樂道遺榮，從心所好，非敢希聲刻鵠，竊譽雕虫。至

若質醜行以自媿，銜庸音於苟進，固立身之岐路，行已

之外篇矣

登高能賦，見北眺春陵篇。鍾會有遺榮賦，謝靈運詩彭薛裁知耻，貢公未遺榮。言彭祖薛方不仕為知耻，貢禹見王陽登用而彈冠，非遺榮者。馬援兄子嚴、敦並好譏議，通輕俠，援在交趾還書戒之曰：云龍伯高敦厚周慎，口無擇言，謙約節儉，廉公有威。吾愛之重之，願汝曹效之。杜季良豪俠好義，憂人之憂，樂人之樂，父喪致客，數郡畢至。吾愛之重之，不願汝曹效也。效伯高不得，猶為謹勅之士，所謂刻鵠不成，尚類鶩也。

馬子集言  
者也效季良不得陷為天下輕薄子所謂畫虎不成  
反類狗者也雖垂見初秋司馬樓宴詩質讀曰贄班  
固張禹傳安昌貨殖朱雲作謀註  
謀醜也去韻岐路見紫雲觀篇

君侯蘊明略以佐時虛靈臺以照物觀梁父之曲識卧  
龍於孔明聽康衢之歌得飯牛於甯戚是用異人翹首

俊又歸誠

曹植誅王粲伊尹显考奕業佐時本張衡歸田賦遊  
都邑以承久魚明略以佐時靈臺見高四篇梁父曲  
見幽繫書情詩劉備聞人歌此曲問誰所為曰卧龍  
也遂三往顧之甯戚齊人飯牛扣角而歌曰南山燦  
白石爛生不逢堯與舜禪短布单衣終至斝長夜漫  
上何時旦相公聞之舉以為大夫才過千人曰俊才  
過百人  
曰又

猥以庇賤之姿謬奉清通之盼雖仲由之瑟終闕響於

丘門而宋王之謠讜均音於郢路敢忘下里輕冒上呈  
庶道叶起予陳卜商之四始恐吾幾失子効然明於一  
言拜手增慙憂心如醉謹啓

宋玉郢路下里俱見之問篇詩序子夏所作故云卜  
商之四始字見閻五篇五際註左傳賈辛將適其縣  
見魏子曰辛來昔叔向適鄭駸蔑惡欲觀叔向從收  
器者往立於堂下一言而善叔向聞之曰必然明也  
下執其手以上曰昔賈大夫惡其妻美三年不言不  
笑御以如臯射雉獲之其妻始言而笑賈大夫曰我  
不能射汝遂不言不笑射之不可以已也如是夫今  
子少不揚子若無言吾幾失子矣言之不可以已也  
如是夫遂如故知今女有力於王室  
晉是以舉汝行乎敬之哉無墮乃力

山河千里闕城郭九重門不覩皇居壯安知天子尊

九重見高四篇車駁洛陽道詩洛陽道八達洛陽城九  
重重闕如隱起雙闕似芙蓉詩邦畿千里陳后主詩日

馬一集言  
月光天德山河壯帝居叔孫通起朝儀群臣以次上壽  
無敢喧嘩失禮漢高嘆曰吾今日乃知皇帝之貴也

皇居帝里嶠函谷鶉野龍山侯甸服五緯連影集星纏八

水分流橫地軸秦塞重關一百二漢家離宮三十六桂殿

陰岑對玉樓椒房窈窕連金屋

嶠山名函谷關名左傳嶠有二陵詳見北眺春陵篇漢書井十一度至柳三度為鶉首之次雍州之分鶉野即鶉首之分野也唐都關中秦之故地班固西都賦於是睇秦嶺賦北阜挾鄠霸據龍首三秦記龍首山六十里頭入渭水尾達樊川土赤不毛隋以長安狹小改作新都于龍首山遷焉在今西安府城北十里禹貢五伯里甸服百里賦納總二百里侯甸服百里納經三百里粟五百里米五百里侯甸服百里采二百里男邦三百里謂之甸服五百里者王城之外四面皆五百里也賦納總五甸甸服五等之事侯甸服者侯國之服甸服外四面又各五百里也百里采二甸侯服三等之事五緯五星

也漢高入秦五星聚東井戴延之西征記關內八水一涇二渭三灞四滻五滂六漓七澧八瀋地軸見高四篇漢書齊人婁敬說高祖曰秦地披山帶河四塞以為固卒然有急百萬之衆可立具也高帝遂都關中田肯賀上曰秦形勝之國也帶河阻山地勢便利其以下兵於諸侯辟高屋之上建瓴水也故持戟百萬秦得百二焉正義曰關中東有黃河函谷蒲津龍門合河等關南有南山及武關峽關西有大隴山關大震烏蘭等關北有黃河南塞是謂四塞之地班固西都賦離宮三十六三輔黃圖云上林有建章承光十一宮平樂蘭觀二十六三宮凡三十六所未央宮在西長樂宮在東桂宮明光宮在北西都賦自未央而連桂宮岑樓之高銳似山者三輔黃圖長樂宮有椒房前殿註天子之房以椒塗壁辟除穢氣皇后所居亦然或曰取其溫或曰取椒蕃衍子孫之義也西都賦窈窕繁華更盛迭貴漢武帝見時姊戲武帝曰兒欲得婦否因指其女曰阿嬌好否帝曰若得阿嬌當以金屋貯之

三條九陌麗城隈萬戶千門平旦開複道斜通鳩鵲觀交

衢直指鳳凰臺劍履南宮入簪纓北闕來聲名冠寰宇文

物象昭回

班固西都賦披三條之廣路立十二之通門周禮國方九里旁三門每門為大路故曰三條又云九市開場貨別隧分即所謂九陌也又云張千門而立萬戶漢武作建章宮千門萬戶複道為道中行外不見也周昭王時脩塗國獻丹鵲一雌一雄孟夏取鵲為扇一名條融一名反影漢武取以名觀鳳凰臺見蕩子篇三代時佩玉秦始皇令人帶劍上殿去劍履惟賜乃得用之漢高賜蕭何劍履上殿入朝不趨是也漢光武置二十八將於南宮雲臺此在洛陽者西都亦有之也簪纓功臣之冠其上以別群臣寰宇猶言宇宙詩雲漢篇倬彼雲漢昭回于天一統志云鳩鵲觀在其泉宮今西安府涇陽縣西北百二十里其泉山上本秦林光宮漢武增廣之又名雲陽宮內有竹宮壽宮迎風觀及鳩鵲觀

鉤陳肅蘭圮壁沼浮槐市銅羽應風迴金莖承露起校文

天祿閣習戰昆明水朱邸抗平臺黃扉通戚里

西都賦周以鉤陳之位衛以嚴更之署註鉤陳紫宮外星宮衛之位象之祀堂廉也書顧命四人綦弁執戈上刃夾兩階祀蘭祀猶所謂蘭臺也或曰階廉滑利如蘭葉也壁沼即壁雖也漢元始中起明堂辟雖為博士舍列槐樹數行諸生每朔望各持方物交易號曰槐市史記漢武元狩二年作蜚廉柱觀音義曰蜚廉神禽也能致風氣晉灼曰蜚廉身如鹿頭如雀有角而蛇尾豹文漢武以銅鑄象置觀上因各蜚廉觀桂觀即桂宮二輔黃圖云二觀俱在長安城中近北宮金莖桐柱也西都賦抗仙掌以承露擢雙立之金莖三輔故事云元昂二年春作栢梁臺承露盤七高二丈大七圍以銅為之上有銅仙人銅手掌捧銅盤玉杯以承雲表之清露和王肩飲之云可長生在西安府城西二十里建章宮內神明臺上西都賦又有天祿石渠典籍之府瑞應焉曰天祿者純靈之獸五色光耀洞明王者道備則至漢書靈帝紀鑄黃鍾四天祿蠅螭註天祿獸也今南陽縣有宗資墓旁有兩石獸其高八尺角而麟分鼠曳尾過壯大左曰天祿右曰辟邪字皆刻膊上漢有天祿閣即

名子集注 卷之二 五

因此獸立名閣貯秘書劉向魯校書其上大乙下觀之  
楊雄亦於此校書劉榮坐事誅詞連及雄王莽使收之  
雄從閣上投下即此漢武通使身毒國為昆明所閉故  
欲伐之以昆明有滇池方三百里於是除千夫五大夫  
不欲者出馬以故吏弄法皆謫令伐棘上林穿昆明池  
以習水戰郵客舍也漢制王侯就封之國朝會京師各  
有旅邸門皆施朱故曰朱邸抗如抗禮之抗史記梁孝  
王世家大治宮室為複道自宮連屬於平臺註臺不過  
高者曰平臺門上有窓者曰扉黃  
扉天子之扉戚里貴戚之里也

平臺戚里帶崇墉炊金饌王待鳴鍾小堂綺帳三千萬大

道青樓十二重寶蓋雕鞍金絡馬蘭窓繡柱玉盤龍綺柱

璇題粉壁映銜金鳴玉王侯盛

前漢書史玄字子叔以宣帝大母家封平臺侯食二千  
五伯戶第史高字子長封樂陵侯史魯字子回封將陵  
侯上文平臺是言宮室此連戚里言之則以外戚作意  
矣詩柝篇其崇如墉張平子西京賦若夫翁伯濁質張

里之家擊鍾鼎食連騎相過鮑明遠結客少年揚行擊  
鍾陳鼎食方駕自相求公孫卿言仙人好樓居黃帝時  
為十二樓以候神人武帝乃作蜚廉觀十二樓鮑明遠  
詩鳳樓十二重四戶八綺窓綉榻金蓮花柱柱玉盤龍  
註綉柱柱衣綉作黃鵠文楊子雲甘泉賦璇題玉  
英淵蛸護螻之中註題攘掾頭也皆以玉飾之

王侯貴人多近臣朝遊北里暮南隣陸賈分金將燕喜陳  
遵投轄正留賓趙李經過密蕭朱交結親

左大冲詠史詩南隣擊鍾磬北里吹笙竽又阮籍咏懷  
北里多奇舞孝標廣絕交論陸大夫宴喜西隣郭有道  
人倫東國註師延紂樂師作北里之舞靡七之樂南隣  
猶南陌也呂后欲王諸呂陸賈自度不能爭迺病免以  
好時善地往家焉有五男乃出千金分五千金為生產  
賈常乘車馬歌琴侍者十人室劍直百金與其子約曰  
過汝家汝汝給人馬酒食極飲十日而更亦如之所死家  
得室劍車騎侍從者一歲中以往來他客不再過數擊  
鮮母父溷汝為也后因陳平燕居深念勸令交驩周勃  
乃以五伯金為絳侯具樂飲勃亦如之平乃以奴婢百

人車馬五十乘錢五百萬為賈飲食賈以此遊漢公卿  
間聲名籍甚詩六月篇吉甫燕喜註謂燕飲喜樂也陳  
遵豪俠嗜酒閉門留客取車轄授之井中雖有急不得  
去阮籍求懷詩西遊咸陽市趙李相經過顏延年註以  
此為漢成帝后趙飛燕婕妤李平班史谷永傳又為趙  
李報德復怨揚升菴云趙李即成帝小臣若飛燕婕妤  
豈可言經過可見延年之誤劉會孟謂安知非實有此  
人不必求其誰何亦非也唐王維亦有日夜經過趙李  
家豈唐時亦實有此人乎后詩話補遺又云趙李乃何  
並傳陽翟輕俠趙李李欵后皆為並所殺按謝靈運景  
隆法師詩云諒趙李之咸陽程鄭則趙李非一人且谷永傳  
慰程鄭趙李以趙李對程鄭則趙李非一人且谷永傳  
云成帝久無繼嗣數為微行多近幸小臣趙李從微賤  
專寵皆皇太后與諸舅夙夜所常憂按此傳當以小臣  
為句不可以趙李為小臣也升菴詆顏劉之傳不免有  
失而其誤自殆之甚矣考據之難矣宋谷永傳趙李似  
指飛燕平二家平既立為婕妤好上曰始衛皇后亦從微  
起乃賜姓衛平班婕妤好所進侍者也飛燕未幸前蕭  
育朱博為友著聞當代時人為之語曰蕭朱結綬王  
貢彈冠后蕭朱有隙不終故王丹曰蕭朱隙其末

丹鳳朱城白日暮青牛細幘紅塵度俠客珠彈垂楊道倡

婦銀鈎採桑踞

魏武與楊彪書今贈足下四望通幘七香車二乘青牛  
特二頭籍田賦微風生於輕幘兮織埃起於朱輪潘尼  
迎大駕詩歸雲乘幘浮淒風尋惟入梁簡文春日想上  
林詩香車雲母幘駛馬黃金羈又傷離詩胡香豈還幘  
青笳送后塵註幘車上張也所以禦熱如今之幘細色  
也班固西都賦紅塵四合煙靈相連陳揚縉俠客控絕  
影詩仙掌層臺浮麗日長揪廣路起紅塵俠客見送鄭  
少府入遼篇珠彈見之問篇此言其侈如所謂金丸也  
潘岳美姿儀詞藻絕麗尤善哀誄之文少時嘗挾彈出  
洛陽道婦人遇之皆連手索繞投之以果滿車而婦枚  
乘梁王兔園賦若乃大郊采桑之婦人兮桂楊縉紆連  
袖方路鈎采桑籠鈎也以銀為之采桑路又即見下文

倡家桃李自芳菲京華遊俠盛輕肥延年女弟雙飛入羅  
敷使君千騎歸同心結縷帶連理織成衣春朝桂樽七百

味秋夜蘭燈七九微翠幌珠簾不獨映清歌宝瑟自相依

且論二十八年是寧知四十九年非

李夫人得幸漢武帝弟延年亦大幸時人為之語曰一  
雖共一雉双飛入紫宮邯鄲有女子名羅敷適邑人千  
乘王仁后為趙王家令羅敷出采桑趙王悅而欲奪之  
羅敷乃彈箏作陌上桑之曲以自明曰日出東南隅照  
我秦氏樓秦氏有好女自名為羅敷上善蚕桑採桑城  
南隅青絲為籠繩桂枝為籠鈎觀者見羅敷下擔採髭  
鬚少年見羅敷脫巾着綃頭耕者忘其耕鋤者忘其鋤  
使君從南來五馬立踟蹰羅敷年幾何二十尚未滿十  
五頗有余使君謝羅敷寧可共載否羅敷亦致辭使君  
一何愚使君自有婦羅敷自有夫東方千余騎夫婿居  
上頭同心結以五色為結同心而下垂者曰同心結如  
今之流蘇也占人皆以此相贈以見親狎之意隋煬帝  
父文帝方崩之夕封小金合遣賜文帝陳夫人夫人以  
為鳩俱甚發之乃同心結也其夜烝焉連理見久戌邊  
城篇連理帳註九微見有懷京邑篇幌書帳也邁伯王  
行年五十而知四十九年之非又見詠懷上裴侍郎篇

古來榮利若浮雲人生倚伏信難分始見田竇相移奪俄

聞衛霍有功勳未厭金陵氣先開石槨文朱門無復張公

子霸陵誰畏李將軍

倚伏見邊夜有懷篇曹摅感舊詩富貴他人合貧賤親  
戚離廉藺門易軌田竇相奪移晨風集茂林栖鳥去枯  
枝註田蚡漢景帝后同母弟竇嬰漢文帝后從兄子也  
嬰為將軍時蚡未貴跪起如子姪孝景末蚡益貴幸新  
欲用事卑下賓客進名士貴之欲以傾嬰后因灌夫罵  
坐蚡叔之嬰救夫不得夫遂告蚡陰事蚡因言嬰短嬰  
卒坐棄市衛青漢武衛后同母弟伐匈奴有功霍去病  
衛青姊子霍光兄也后青無功不得益封而去病日貴  
門下多去事去病輒得官爵金陵見宿山左篇衛靈公  
卒葬沙丘宮穿豕得石槨有銘云不憑其子靈公奪我  
里子常曰靈公之為靈也久矣又見樂大夫挽詞開白  
日註漢成帝微行自稱富平侯張放家人時有童謠曰  
燕七尾涎七張公子時相見燕七指趙飛燕也詳見  
后卷檄文燕啄皇孫註霸陵李將軍見別李嶠詩

相顧百齡皆有待居然萬化咸應改桂枝芳氣已銷亡栢

梁高宴今安在

百齡桂枝見挽丹陽刺史詩栢梁臺名漢武帝太后延神君祠之宮中至是神君求出乃營栢梁臺舍之以香栢為梁香聞十里在長安城北關內今在西安府城西北一十四里未央關內

莫矜一旦擅豪華自言千載長驕奢倏搏風生羽翼湏

史失浪委泥沙黃雀徒巢桂青門遂種瓜

搏風見螢火篇戰國策莊辛諫楚王曰鄭必危矣王獨不見黃雀俯啄白粒仰栖茂樹鼓翅奮翬自以為與人無爭不知夫公子王孫左挾彈右攝丸以其頸為的畫遊茂樹夕調酸鹹耳青門種瓜見高四篇東陵瓜註

黃金消錄素絲變一貴一賤交情見紅顏宿昔白頭新脫

粟布衣輕故人

劉休玄擬惠連詩色滋畏沃若人事亦消錄本鄒陽獄中上書魯聽季孫之說遂孔子宋信子冉之計囚墨翟夫以孔墨之辨不能自免諛諛而二國以危何則衆口燦金積毀銷骨又本國語伶州鳩曰衆心成城積毀銷骨墨子見染絲嘆曰染於蒼則蒼染於黃則黃五入之則為五色故染不可不慎非獨絲也國亦有染湯染伊尹紂染惡來也貴賤交情見高四篇白頭新見螢火篇公孫弘為相食故人高賀以脫粟覆以布被賀怨曰何用故人富貴為脫粟布被我自有之怒而去語人曰弘身服貂蟬衣麻桌內厨五鼎外膳一殺其儉詐也弘聞之慚曰寧逢惡賓不逢故人

故人有堙淪新知無意氣灰死韓安國羅傷翟廷尉

韓安國事見螢火翟廷尉見高四篇

已矣哉歸去來馬卿辭蜀多文藻楊雄仕漢乏良媒三冬

自矜成足用十年不調幾遭迴



馬一集言卷之二  
婦去來見寒夜獨坐司馬相如字長卿蜀人揚雄字子雲亦蜀人仕漢成帝官不過郎中位不過執戟后附新莽為大夫張釋之為騎郎十年不得調三冬足用見高四篇

### 汲黯薪逾積孫弘閣未開誰借長沙傳獨負洛陽才

汲黯事見春霽早行公孫弘既相於是起客館開東閣以延賢人一曰欽賢館以待大賢次曰翹才館以待大才次曰遊士館以待國士躬自菲薄俸祿皆以給之后李蔡嚴青翟趙周石慶繼踵丞相客館丘墟而已至賀屈鞏時壞以為馬廐庫奴婢室矣賈誼洛陽人少有才為絳灌所疾出為長沙王大傳梁武帝詔劉孺與張率賦詩時二人並醉未及成帝取孺手板題戲之曰張率東南美劉孺洛陽才投筆便應就何事苦遲回洛陽成周地名居洛水北故曰洛陽春秋屬晉戰國屬魏秦屬三川即漢為河南郡治東漢都於此政洛為繼以當火德魏復為洛陽晉因之隋遷都治河南縣唐改洛陽為永昌尋復舊宋初河南洛陽二縣並置金以河南縣省入洛陽縣元仍舊今因之屬河南府

### 疇昔篇

少年重英俠弱歲賤衣冠既託寰中賞方承膝下歡遨遊

霸陵曲風月洛陽端且知無玉饌誰肯逐金丸

英俠與遊俠同見鄭少府入遼篇禮人生十年曰幼學二十曰弱冠賤衣冠輕冠冕也寰中賞得名也膝下歡事親也霸陵見別李嶠詩洛陽即洛陽城也東漢舊都風月所會所謂京洛多佳麗者也王饌見初秋登司馬樓篇漢韓王信入匈奴至類當城生子因名類當后歸漢其孽孫韓嫣得幸武帝與共卧起好彈以金為丸一日所失十餘長安兒童聞嫣出即競逐拾之長安語曰若飢寒逐金丸

金丸玉饌盛繁華自言輕侮季倫家五陌爭馳千里馬三

條競駕七香車掩映飛軒乘落照參差步障引朝霞池中

舊水如懸鏡屋宇新粧不讓花

馬... 史記呂不韋說華陽夫人曰夫人不以繁華時樹本阮籍詠懷昔日繁華子安陵與龍陽梁沈約三日詩洛陽繁華子長安輕薄兒晉散騎常侍石苞之子崇字季倫極富於財與王后之兄愷鬪富競以繁華相高輕侮謂繁華過之也五陌見帝京篇漢文帝時人有獻千里馬者又九方臯相千里馬嘉其善走一日千里也三條七香車俱見帝京篇王榭失舟至烏衣國主人命飛雲軒送之令榭坐其中閉目少息須臾至家落照日也石崇與王愷鬪富愷作紫步障四十里崇作錦步障五十里朝霞步障之色陳僧慧標詠水詩舟如空裏泛人似鏡

意氣風雲倏如昨歲月春秋屢迴薄上苑頻經柳絮飛中行

園幾番梅花落當時門客今何在疇昔交遊已踈索莫見

憔悴損容儀會得高秋雲霧廓

意氣風雲見高四篇薄音博迫也如宋師未陣而薄之薄謂周迴相迫耳柳飛花落喻富貴失時門客何在用

衛青事見挽樂大夫詩交遊踈索亦生死崔公羅之意也高秋霧廓亦與時衰謝之語

淹留坐帝鄉無事積炎涼一朝披短褐六載奉長廊賦文

慙昔馬執戟慕前楊揮戈出武帳荷筆入文昌

帝鄉見高四篇披褐見錢雞子詩懷王註奉長廊居廊庶下甲官也昔馬指司馬相如前揚楊雄也雄為郎中自成哀平三世不徙官執戟郎中之職也韓信曰臣事項王官不過郎中位不過執戟是也潘岳謀夏侯湛執戟疲揚長沙投賈汲黯傳上嘗坐武帳中應劭曰帳幟為武士之象也孟康置兵闌五兵於帳中又見孫長史

文昌隱隱皇城裏由来奕奕多才子潘陸詞鋒絡繹飛張

曹翰苑縱橫起卿相未會識王侯寧見擬徒勞倦負薪何

處逢知己

潘岳陸機曹植俱見帝京篇張疑張華也華字茂先文學才識名重一時為晉司空賈后命管機要后為趙王倫所殺負薪用朱買臣事見裴侍郎詩知已見春霄早行篇太行道註

判將運命賦窮通從來奇舛任西東不分求棄同芻狗且復飄飄類重蓬容鬢年年異春花歲歲同榮親未盡禮狗主欲申功

莊子天運篇孔子西遊於衛顏回問師金曰以夫子之行為奚如師金曰惜乎而夫子其窮哉曰何也師金曰夫芻狗之未陳也盛以篋行中以文繡尸祝齋戒以將之及其已陳也行者賤其首春蘇者取而爨之而已將復取而盛以篋行中以文繡遊居寢於其下彼不得夢必且數昧焉今而夫子亦取先王已陳芻狗取弟子遊居寢於其下故伐柯於宋削迹於衛窮於商周是非其夢耶困於陳蔡之間七日不火食死生相與鄰是非其昧耶飄飄見洛濱對雪篇重蓬瀛累蓬也見泊河曲篇

脂車秣馬辭鄉國縈轡西南吏印焚王壘銅梁不易攀地角天涯眇難測鶯囀蟬吟有悲望鴻來鴈度無音息陽關積霧萬里昏劍閣連山千里色

詩追脂爾車又漢廣篇言秣其馬漢武令張騫因蜀犍為發問使四道並出出號出冉出徒出印焚皆各行一

二千里左思賦包王壘以為宇郭璞江賦王壘作東別之標註王壘山名在今成都府灌縣西北二十九里左

思蜀都賦外負銅梁於岩渠內函要害於膏腴註銅梁山名在岩渠縣鶯蟬鴻鴈俗寫四時之景陽閣見久戌

邊城篇劍閣亦山名晉張載字孟陽至劍閣以蜀人恃險好亂因著銘以作戒曰岩上梁山積石我上遠屬荆

衡近綴岷嶓南通邛樊北達襄斜狹過彭碣高踰嵩華唯蜀之門乍固乍鎮是曰劍閣壁立千仞窮地之險極

地之峻世濁則逆道清斯順上益州張敏奇之上其文武帝刻之於劍閣山在今保寧府劍州北三十里兩崖

峻接鑿石架閣而為棧道連山絕險秦司馬錯由此道伐蜀銅梁山在今合州南五里銅梁縣在州南九十里



安馮智舒云未詳所在揚升菴云大江自蒲堰至犍為  
有五津曰白華津萬里津江首津涉海津江南津出華  
陽國志上下文地名俱在成都恐即今華陽縣也娥眉  
即蜀眉山周迴千里在今嘉定州諸葛亮龍見出紫書  
情篇蜀都賦公孫躍馬而稱帝劉宗下輦而自王公孫  
述字子陽茂陵人為清水長有能名遷導江卒正治臨  
邛南陽宗成起兵徇漢中以應漢眾數萬人述遣使迎  
之成等至成都虜掠暴橫述謂郡中豪傑曰天下同苦  
新室思劉氏久矣故聞漢將軍到馳迎道踞今百姓無  
辜而婦人係獲此寇賊非義兵也乃詐為漢使者拜述  
將軍兼益州牧擊成殺之而并其眾及更始遣李宝徇  
蜀漢遣其弟拒擊破走之遂自立為蜀王光武未即位  
已稱帝吳漢伐蜀述敗死五丁見鄭安陽篇蜀都賦蔚  
若相如鱗若君平王褒瞻睥而秀發揚雄含章而挺生  
出思綯道德摘藻揆天庭考四海而為雋當中葉而擅  
名此即四士也註三子著述皆是君平嚴遵也作老子  
指歸故云用文藝八陣諸葛孔明所作凡三一在沔陽  
之高平舊壘一在廣都之八陣鄉一在魚復永安宮南  
江灘水上其法六十四陣天衝十六陣居兩端地軸十  
二陣居中間天前衝四陣居右后前衝四陣居左地前

衝六陣居后風八陣附天雲八陣附地陰遊兵二十四  
陣在六十四陣之后一統志云在夔州城南者六十四  
方陣法也在成都府新都縣北三十里牟弥鎮者一百  
二十有八當頭陣法也在漢中府沔縣東一十里定  
軍山下者二百五十有六下營法也其陣聚細石為之  
各高五尺皆布列相當中間相去九尺正中間南北巷  
悉方廣五尺各六十四聚或為人散亂及為夏水所沒  
水退復如故又有二十四聚作兩層其后每層各二十  
聚相温伐蜀經之以為常山  
蛇勢七星橋見吳七遊蜀篇

川平煙霧開遊戲錦城隈墉高龜望出水淨鴈文迴尋姝  
入酒肆訪客上琴臺不識金貂重偏惜玉山頽

成都記錦里城呼為錦城以江山明麗錯雜如錦張儀  
築成都大城屢頽忽有大龜出於江儀以問巫上曰隨  
龜築之果就功遂名龜城一名龜化衡山有迴鴈峯鴈  
至此不得過迴登而返詩靜女其姝註美也琴臺見鄭  
安陽篇阮孚字遙德為常侍以金貂換酒為有司所彈  
晋元帝看之孚咸子也玉山頽見紫雲觀贈道士篇

他鄉苒苒消年月帝里沈沈恨城闕不見猿聲助客啼唯  
聞旅思將華發我家迢遞關山裏關山迢迢不可越故園  
梅柳尚余條春來勿使芳菲歇

楚詞老苒苒而將至今恐脩名之不立司馬彪贈山濤  
詩苒苒三光馳逝者一何速陸機出西城詩靡苒苒年時  
改苒苒無已及註皆云漸進貌或作苒義同猿聲見  
鄭安陽篇斷猿註關山見蕩子從軍賦楚詞芳草歇而  
不披潘岳悼亡詩流芳未及歇遺桂猶在壁謝靈運詩  
首夏猶清和芳菲亦未歇芳  
菲見蕩子篇蕪  
蕪註歇止也

解袂欲言歸執袂愴多違北梁俱握手南浦共沾衣別情  
傷去蓋離念惜光輝捐鄉有何記木落鴈南飛

李陵別蘇武詩携手上河梁遊于暮何之徘徊岐路側  
恨不能辭南浦見之問篇去蓋用傾蓋字捐鄉離鄉

土也漢武秋風辭秋風起兮白雲飛草木黃落  
兮鴈南歸蘭有秀兮菊有馨懷佳人兮不能忘

飛鳥轉南陸春來酒應熟相將芸閣望青溪且用藤盃泛  
黃菊十年不調為貧賤百日屢遷隨倚伏祇為須求負郭

田使我再干州郡祿

南陸見詠蟬篇西陸註芸草葉香可以辟蠹芸閣藏書  
之閣也一云當作菌閣楚辭菌閣兮蕙樓謝玄暉詩尋  
雲陟累榭隨山望菌閣註菌香草也或曰連菌之義青  
溪見高四篇十年不調見帝京篇蔡邕亡命江海積十  
二年董卓聞其名而辟之稱疾不就卓怒罵曰我能族  
人邕懼應命到署祭酒甚見敬重三月之間周歷三臺  
遷為侍中及王允誅卓邕驚歎允收殺之倚伏見遙夜  
有懷詩蘇秦曰使我有洛陽田二頃安能負六國相印  
梁劉孝標與宋元思書  
園空桑麻田無負郭

百年鬱鬱少騰遷萬里迢迢入鏡川涘江沸潮衝白霧淮

海長波接遠天叢竹眠朝露孤山起暝州賴有邊城月常伴故人懸

漢高謂蕭何曰吾亦欲東耳安能鬱上久居此乎鏡川即上文水如懸鏡之意詩所謂伊人在水之渙註水也

東南美箭稱吳會名都隱軹三江外塗山執玉應昌期曲水開襟重文會仙鏑流音鳴鶴嶺寶劍分輝若蛟瀨未看

白馬對蘆芻且覺浮雲似車蓋

史記東南之美者有會稽之竹箭焉吳虞翻與少府孔融書并示以所著易註融答書曰聞延陵之理樂觀吾子之論易乃知東南之美者非徒會稽之竹箭也吳會見白雲抱幽石篇三江見冬日野望篇大禹會諸侯於塗山執玉帛者萬國晉武嘗問摯虞三月三日曲水之義虞對曰漢章帝時平康徐肇以三月初三生女至三

日俱亡村人以為惟乃招携之水濱洗袂遂因水以泛觴東哲進曰虞小生不足以知昔周公成洛邑因流水以汎酒故逸詩云羽觴隨波又秦昭王以三日置酒河曲見金人捧水心之劍曰令君制有西夏乃霸諸侯因此立為曲水二漢相綠皆為盛集也王羲之蘭亭序言畢集即開襟文會之事也馬啣曰鏑鳴鶴取在陰之義見王明府參選篇吳都賦控清引濁混濤并瀨註水淺而急曰瀨若蛟瀨取化劍之義也蘆芻所以醺酒杜詩黃羊飯不羶蘆酒筍為筒註吸而飲之若今之啣酒也又名釣藤酒又疑當作壚騎南史齊謝幾卿性通脫會意便行不拘朝憲嘗預樂遊苑宴不得醉而還因詣道邊酒壚停車褰幔與車前二騶對飲時觀者如堵卿處之自若漢明帝於東都城外立精舍以處攝摩騰竺法蘭為白馬寺騰以白馬馳經初止鴻臚寺故云浮雲似車蓋見紫雲觀篇面經所載塗山者四一會稽一渝州一濠州一當塗禹娶塗山在今鳳陽府懷遠縣東八里與荆山對峙此山西南有禹墟及禹會村絲亩在焉東岐塗山詩樵鱓已入黃熊廟烏鵲猶朝禹會村指鱓化黃熊乃濠州塗山也

江南節序多文酒屢經過共踏春江曲俱唱采菱歌舟移

疑入鏡棹舉若乘波風光無限極歸楫礙池荷

謝靈運憶山中詩采菱調易急江南歌不緩楚人心昔絕越客勝今斷注采菱江南俱曲名庾信有哀江南賦事見下章張協七命淵若唱淮南之曲榜人奏采菱之歌七曰乘危舟兮為水嬉臨芳洲兮拔雲芝陳釋慧標誄水曾添踈勒井經涌貳師營王津花色亮銀溪錦磧明舟如空裏泛人似鏡中行持符上善利得動高情

眺聽烟霞正流盼即從王事歸艫傳芝田花發屢徘徊金

谷德明重遊衍登肩南適嗤梁叟馮軾西征想潘椽岸間

華岳聳疑蓮水激龍門急如箭

鱸見久戍邊城篇東方朔曰西王母乘靈光輦適東王公之舍稅步景馬遊於芝田食芝田之草註方丈山有數十萬頃田種芝草課計頃畝如種稻狀石崇金谷序曰余以元康之年從太僕卿出為使持節監青徐諸軍

事征虜將軍有別庐在河南縣界金谷澗中或高或下有清泉茂林衆果竹植桑草之屬莫不畢備又有水碓魚池土窟其為娛目歡心之物備矣時征西大將軍祭酒王翺當還長安余與衆賓共往澗中晝夜遊宴屢遷共坐或登高臨下或列坐水次時琴瑟笙筑合載車中道路並作及住令鼓吹迭奏遂各賦詩以叙中懷或不能者罰酒三斗感性命之不永俱凋落之無期故列序詩人官號姓名年紀又寫詩看后后之好事者其覽之哉德明即明德賢人也梁庾信字子山因侯景亂臺城奔江陵元帝承制除為御史中丞聘西魏屬大將南討留長安累遷開府儀同三司后南北通好流寓各許還國惟信與王褒借不遣信嘗有鄉關之思作哀江南賦有云霸陵夜獵猶是舊時將軍咸陽布衣非獨思歸王子潘椽即潘岳也作西征賦云歲次玄樛月旅蕤賓丙丁統日乙未御辰潘子馮軾西征自京徂秦註左傳楚子王謂晉侯曰請與君之士戲君憑軾而觀之陸機狹斜行鳴玉豈樸儒憑軾皆俊民太華山峯如蓮華故名太華龍門水急如箭見晚泊河曲篇金谷在河南府城西十三里地有金水自太白源南流經此谷一名梓澤傍有清源臺即綠珠墜樓處

各名梓澤傍有清源臺即綠珠墜樓處



人事謝光陰俄遭霜露侵偷存七尺影分枝九泉深窮途  
行泣玉憤跼未藏金茹荼徒有嘆懷橘獨傷心

淮南子吾生也有七尺之形吾死也有一棺之土陸機挽歌昔為七尺軀今成灰與塵九泉見挽丹陽刺史詩窮咄見早發諸暨詩泣玉見贈之問篇詩谷風篇誰謂荼若其甘如薺註婦人言已為夫所棄其苦有甚於茶故視茶如薺之甘菜也又漢書刑法志法繁秋荼懷橘見早發諸暨橘性註又陸績七歲謁袁術懷橘數枚辭術墮地術曰陸郎作客而懷橘乎績曰欲歸遺母術大奇之

年來歲去成消鑠懷抱心期成廖落桂冠裂冕已辭榮南

畝東臯事耕鑿質階客院常踈散蓬徑柴扉終寂寞自有

林泉堪隱棲何必山中事丘壑

王莽殺其子宇滅中山孝王后家殺敬武公主及汜鄉侯何武故司隸鮑宣等數伯人北海逢萌謂友人曰三

綱絕矣不去禍將及人即解冠挂東都城門歸將家屬浮海客於遼東詩大田篇淑載南畝陶淵明歸去來辭登東臯以舒嘯堯時有老人含哺鼓腹擊壤而歌曰日出而作日入而息耕田而食鑿井而飲帝力何有於我丘壑見秋日山行篇丘中一絃註

我任青門外家臨素澹濱遥瞻丹鳳闕斜望黑龍津荒津

通獵騎窮巷低樵輪時有桃源客來訪竹林人

青門見高四篇東陵瓜註澹水名在今西安府城東十五里源出藍田縣合金谷水北流入灞丹鳳闕見帝京篇黑龍水名淮南子女媧煉五色石以補蒼天斷鬻足以立四極殺黑龍以濟冀州積蘆灰以止淫水桃源見酬高玄上人詩竹林見餞駱四詩

昨夜琴聲奏悲調旭旦含嘖不成笑果乘驄馬發囂詩復

道郎官稟綸誥治長非罪曾縲綫長孺然灰也經溺高門

有閣不面封峻筆無聞欲敷妙

詩苦葉篇旭日始旦註旭日初出貌韓昭侯曰吾聞明主愛一類一笑莊子西施樹心而類註蹙眉也驄馬見幽繫書情詩綸誥禮緇衣篇王言如絲其出如綸詳見三卷上廉使敬龍緯註公冶非罪長孺然灰俱見螢火

賦篇

適離京兆謗還從御府彈炎威資夏景平曲况秋翰畫地

終難入書空自不安吹毛未可待搖尾且求殮

京兆尹張敞為妻畫眉都人稱京兆眉撫為御府所彈帝聞而問之敞對曰閨門之內夫婦之私猶有過於此者漢宣頗用法令路溫舒上尚德緩刑書諺云畫地為獄議不入刻木為吏期不對此皆疾吏之風悲痛之詞也晉殷浩連年北伐師徒屢敗糧械俱盡桓溫因朝野之怨上疏廢為庶人自此大權悉歸於溫浩與溫齊名而心競不相下溫嘗輕之浩既廢黜雖愁怨不形詞色常書空作咄上怪事四字吹毛求疵謂求細過於毛髮

之間也搖尾見出紫書情篇

丈夫坎壈多愁疾契闊屯遭盡今日慎罰寧憑兩造詞嚴

科直桂三章律鄒衍銜悲衝熹獄李斯抱怨拘秦格不應

白髮頓成絲直為黃沙暗如漆

坎壈見裴侍郎詩詩擊鼓篇死生契闊註隔遠之意易屯之上六屯如遭如乘馬班如泣血連如書康誥惟乃丕顯考文王克明德慎罰呂刑兩造具備師聽五辭註兩造兩爭者皆至也周官以兩造聽民訟具備詞証皆在也師衆也五辭麗於五刑之辭也漢高入關悉除秦苛禁與民約法三章曰殺人者死傷人及盜抵罪余不問鄒衍燕人下獄剖脅而死秦相斯為趙高所誣父子相哭曰吾復欲與汝牽黃犬上東門逐狡兔得乎遂夷三族三族秦格也

紫禁終難叫朱門不易排驚魂聞葉落危魄逐輪埋霜威

遙有勵雪枉更無階含寃欲誰道飲氣獨居懷

紫禁難叫所謂叫天閣於九重者也字出楚詞見后封  
祥表魯褒錢神論無德而尊無勢而熱排金門入紫閣  
驚魂聞葉若見螢火賦漢和帝分遣八使巡行天下張  
綱獨埋其車輪於洛陽都亭曰豺狼當道安問狐狸遂  
効奏梁冀無君之心十五事云危魄者言已之  
魄又影輪消挂魄之意也雪衽如雪耻之雪

忽聞驛使發關東傳道天波萬里通涸鱗去轍先遊海齒  
禽釋網便翔空舜澤堯曦方有極諛言巧佞儻無窮誰能

跼踏依三輔會就商山訪四翁

涸鱗見春霽早行詩堯曦猶堯日也日色曰曦詩小雅  
正月篇謂山蓋高不敢不跼謂地蓋厚不敢不踏跼曲  
背踏累足也三輔見送陳文林  
篇四翁即四皓見梁大官篇

行軍軍中行跼難

行跼難古曲名  
見發諸暨詩註

君不見封狐雄虺自成群馮深負固結妖氛玉璽分兵徵

惡少金壇授律動將軍

楚辭招魂篇封狐千里雄虺九首註封狐大狐也健走  
千里求食也虺亦蛇也九首一身九頭也引此以喻匈  
奴猶左氏言封豕長蛇耳史記漢武徵行上林苑中  
惡少年欲攻之又徵惡少為兵金壇見和孫長史篇

將軍擁旌宣廟略戰士橫戈靜夷落長驅一息背銅梁直

指三危登劍閣

銅梁劍閣  
見疇昔篇

閣道迢迢起戍樓劍門遙裔俯靈丘邛關九折無平路江

水雙源有急流

馬三集言  
諸葛亮治郫閣息民休士三年而后用之註蜀中道險  
高深谿谷皆架木為棧道構閣以通往來謂之棧閣劍  
門見鄭安陽入蜀篇卽閣九折  
見費六還蜀篇雙源見之問篇

征役無期返他鄉歲月晚杳杳丘陵出蒼蒼林薄遠途危

紫蓋峯路澁青泥坂

湖廣衡州府衡山縣西三十里有衡山寰宇記云宿當  
翌軫度應機衡其山盤繞八伯里有十二峯十洞十五  
巖三十八泉二十五溪九池九潭九井而峯之最大者  
五曰祝融紫蓋雲密石廩天柱唯祝融最高紫蓋峯每  
見雙白鶴迴翔其上青泥坂在今平陽府蒲州東南十  
五里仲條山伯樂逢騏驎因鹽車處俗名青石槽亦謂  
之虞坂宋沈田子由武關進屯青泥即此又陝西漢中  
府略陽縣西北一百五十里有青泥嶺兩過多泥淖宋  
陽粹中題青泥驛詩山猶連蜀道  
人已作秦音未知是何青泥坂也

去去指危牢行行入不毛絕壁千里險連山四望高

行行見出繫書情篇駟馬註諸葛孔明出師  
表五月渡瀘深入不毛四望見送之問篇

中外分區宇夷夏殊風土交趾枕南荒昆彌臨北戶川源  
饒毒霧溪谷多淫雨行潦四時流崩崖千歲古

交趾南夷地昆彌北狄酋名漢武以江都王建女細君  
為公主妻烏孫昆莫以為夫人公主自治宮室居歲時  
一再與昆莫會昆莫年老言語不通公主悲愁思歸作  
黃鵠之歌天子憐之使人問遺昆莫死其孫岑娶又妻  
公主代立為昆彌註昆彌王號也  
岑娶娶公主公主上書詔許之

漂梗飛蓬不暫安桐藤引葛陟危巒昔時聞道從軍樂今

日方知行路難

漂梗見浮查篇飛蓬見泊河曲篇王仲宣從軍詩從軍  
有苦樂但問所從誰所從神且武焉得久勞師古樂府  
左延年從軍詩從軍何等樂一驅  
乘雙駮鞍馬照人白龍驤自動作

滄江綠水東流駛炎洲丹徼南中地南中南斗映星河秦  
関秦塞阻煙波三春邊地風光少五月瀘中瘴癘多朝驅  
疲斥候夕息倦樵歌向月響繁弱連星轉太阿

駛見晚憇田家篇一作駛與快同見魏志西陽雜俎河水色渾駛流尸子黃河下龍門其流駛竹箭元好問詩  
駛雨東南來趙松雪有駛雪帖字音決駛驥名馬也生  
七日超其母炎洲見遠使海曲篇環海註丹徼見蕩子  
篇馬謖謂孔明曰南中恃其險遠不服久矣今雲南等  
州之地是也瀘水名孔明出師表五月渡瀘非今瀘州  
乃古之江陽水今名金沙江即黑水也故以瀘名沈黎  
古志孔明南征由今黎州路四伯余里至兩林壘自西  
林南琵琶部三程至雋州十程至溢水四程至弄棟即  
姚州也今金沙江在滇蜀之交一在武定府之江驛一  
在姚安之左却孔明所渡即左却琵琶地一作風琶兩  
林今邛部長官司斥堠巡警之處斥拆也堠候也夜則  
擊柝日則伺候以警盜賊候有墩臺故或從上也左傳  
周公相王室以尹天下於周為睦分魯公以大踏大旂

夏后氏之璜封父之繁弱註封父古諸侯繁弱大子也  
上林賦李繁弱蒲白羽室劍有九惟歸為衆一曰棠谿  
二曰墨陽三曰合伯史記作合聘春秋后語作合相四  
曰鄧師五曰宛馮六曰龍泉七曰太阿八曰莫邪九曰  
干將莫邪干將匠名餘皆以韓地名之蘇秦曰韓卒之  
劍戟皆出於真山棠谿墨陽合聘鄧師宛馮龍淵太阿  
皆陸斷牛馬水截鵠馬連星即  
連牛也見螢火賦劍影埋豐註

重義輕生懷一顧東征西伐凡幾度夜夜朝朝班鬢新年  
年歲歲戎衣故

一顧見宋之問篇又列女傳鄭子晉者楚成王之夫人  
也成王登臺子晉不顧王曰顧吾與汝千金遂行不顧  
曹植所謂一顧千金  
重何必珠玉賤也

故人霸城隅遊子滇池水天涯望轉遙地際行無已徒覺  
炎涼節忽復離寒暑物華非不知関山千萬里

各子集注 卷之二 六十七

霸城見早發諸暨註滇池在雲南城南一名昆明池廣  
五伯里史記滇原廣未狹似倒流故云滇詳見帝京篇  
古詩行行重行行與君生別離相去萬里餘各在天一  
涯東邊曰垂西邊曰際梁柳惲贈吳筠詩離念已鬱陶  
物華復如此

棄置勿重陳征行多苦辛且悅清笳梅柳曲詎憶芳園桃

李人

笳見蕩子篇梅柳曲名張騫入西域傳笳曲西京唯德  
摩訶兜勒二曲李延年因胡曲更造新聲二十八解乘  
輿以為武樂后漢以給邊將和帝時萬人將軍用之魏  
晉以來唯存黃鶴隴頭出塞入塞於楊柳黃覃子赤之  
楊望行人一十四曲蔡邕蓋琴為九絃彈之

絳節紅旗分白羽丹心白刃酬明主但令一被君王知誰  
憚三邊征戰苦

絳赤色節以旄牛尾結絡成節注於旗竿之上蘇武卧  
起持漢節旄盡落是也其制本於武王牧野之誓右  
秉白旄以麾后因人因執以為信與兵及使外國皆用之  
古者節長一尺二寸秦漢以下改為旌幢之形后世漸  
長數尺釋名以為節毛上下相重取象竹節亦以示人  
臣盡節操之義唐以后藩鎮皆授節鉞白羽扇也見邊  
城落日篇上文所引滿白羽乃箭也

行路難幾千端無復歸雲憑短翰空余望日想長安

平子思玄賦憑歸而遐逝兮夕余宿乎扶桑潘岳懷舊  
賦仲晞歸雲傳毅七激仰歸雲遡遊緲李克詩來若迅  
風散逝為歸雲征短翰見送閻  
五官詩望日長安見高四篇

艷情代郭氏答盧照鄰

照鄰字昇之范陽人十歲從曹憲王義方授蒼雅調  
鄧王府典籤王謂人曰此吾之相如調新都尉病棄  
官居大白山餌方士玄明膏會父喪號嘔丹輒出由  
是疾甚客東龍門山手足俱廢自以高宗尚吏已獨

儒武后尚法已黃老后封嵩山  
求賢已廢疾作五悲赴水死

迢迢芊路望芝田  
耿耿函關恨蜀川  
歸雲已落涪江外  
還

鴈應過洛水瀍

謝靈運江中贈詩可憐誰家婦  
綠流洗素足明月在雲間  
迢迢不可得註迢迢遠也  
芊草盛貌陸機文賦清麗  
芊眠註光色盛貌一作務綿望山  
谷青務務也見說文轉作芊  
綿常莊詩可憐芳草更芊眠  
芝田見疇昔篇眇眇亦遠也  
遠視不明曰眇函關函谷關也  
秦時在靈寶縣左右絕崖十丈  
中僅容一車漢將軍楊僕耻為  
關外人移新安縣東一里蜀見  
費六題註蜀川指曠野之地萬  
夫之川非指水也歸雲見行路  
難篇涪江在重慶府巴縣水流  
東南合梓州之射江還鴈用蘇  
武事見蕩子篇瀍水名源出河  
南府洛陽縣穀城山東流入洛  
處為偃師縣書洛誥我乃卜澗  
水東瀍水西惟洛食瀍水近洛  
故云洛水瀍也禹貢伊洛瀍澗  
亦以瀍近洛言之東京賦派洛  
背河左伊右瀍

洛水傍連帝城側  
帝宅層甍垂鳳翼  
銅鈿踞上柳千條  
金

谷園中花幾色

洛陽舊城始築於周公卜澗水東瀍水西為王城周亡秦以十萬戶封呂不韋復增廣之東漢魏西晉元魏皆都於此隋煬帝大業元年大營東京名曰新都唐太宗欲復修之為張元素諫止故云帝城也洛陽縣志洛水南去縣治二里源出洛南縣冢嶺山東流經本縣至成臯入河故曰傍連國語宰周公曰譬之如室既鎮其甍矣又何加焉劉休玄擬張協詩水鶴巢層甍山雲潤柱礎註甍棟也層上下相承也簷阿連於棟上華采軒翔如垂鳳翼也銅駝始皇所鑄舊在長安宮城西門外魏明帝自長安徙至洛陽宮門前晉惠帝時關內侯索靖知天下將亂指銅鈿曰會見爾在荊棘中至晉成帝二年趙王石虎徙於鄴晉武大元六年符堅復遷還長安五胡志符堅滅燕趙后自長安至諸州皆夾道樹槐柳二十里一亭四十里一驛行者取給於途百姓歌之曰長安大街夾樹揚槐下走朱輪上有鸞栖英彥雲集誨我萌黎蕭子顯春別詩翻鶯度燕双此豎楊柳千條共

一色金谷  
見疇昔篇

柳葉園花處處新  
洛陽桃李應芳春  
妾向雙流窺石鏡  
君住三川守玉人

成都府有雙流縣石鏡見疇昔篇三川見途中有懷詩  
註衛玠美風神乘車過洛陽市見者以為玉人雙流本  
漢蜀郡廣都縣地晉置寧蜀郡后周郡廢隋初改廣都  
為双流縣取二江双流為名唐復於此置廣都縣至元  
省廣都入焉今仍舊在  
成都府西南四十里

此時離別那堪道  
此日空牀對芳沼  
芳沼徒遊比目魚  
齒

### 徑還生拔心草

空牀見蕩子篇題註爾雅比目魚以左右分不比不行  
又云卷施草拔心不死郭璞卷施贊卷施之草拔心不  
死屈平嘉之諷詠以此取類雖通輿有遠邇梁王僧儒  
贈顧倉曹詩夙昔今何在生平棄不論譬如卷施草心

謝葉空存註南越志寧鄉縣草名卷施拔心不死江淮  
間謂之宿莽又見至汾水戌篇宿莽註劉希洛陽公子  
行詞此日遨遊邀美女此時歌舞入娼家娼家  
美女鬪金香老去飛來公子傍詩意與此相似

流風迴雪倘嫵娟  
驥子魚文實可憐  
擲果河陽君有分  
貨酒成都妾亦然

曹子建洛川神賦髮髣兮若輕雲之蔽月飄飄兮若流  
風之迴雪章華賦形嫵娟以嬋媛兮若流風之靡草左  
思蜀都賦若夫王孫之屬郤公之倫從禽于外巷魚居  
人並乘驥子俱服魚文註桓譚新論善馬者曰薛公得  
馬惡貌而正走名驥子魚獸名似猪東海有之其皮背  
上班文腹下純青可為弓韃矢服潘岳美姿儀詞藻絕  
麗尤善哀誄之文少時嘗挾彈出洛陽道婦人遇之皆  
連手縈繞授之以果遂滿車而歸卓文君既奔相如與  
之成都賣酒文君當壚相如穿犢鼻視滌器於市文君  
父卓王孫耻之與錢百萬遂之長安因揚意見武帝以  
詞賦得幸仕至大中  
大夫竟以病消暍死



莫言貧賤無人重莫言富貴應須種綠珠猶得石崇怜飛

燕曾經漢皇寵

史記陳勝曰王侯將相寧有種乎綠珠石崇愛妾崇使交趾以珍珠一斛買之后趙王倫嬖人孫秀求之不與誣崇為亂使收之崇謂綠珠曰我因汝得罪綠珠自投樓下而死飛燕本長安宮人初生不舉三日不死乃救養之及壯為陽阿主家學歌舞體輕能呈掌上之舞故飛燕成帝微行過主家見而說之召入大幸有女弟復召入俱為婕妤貴傾后宮飛燕竟立為后

良人何處醉縱橫直如循默守空名倒持新縑成慊慊翻

將故劍作平平離前古夢成蘭兆別後啼痕上竹生

陸機為陸思遠婦作詩雖為三載婦顧影媿虛名新縑見蕩子篇題註梁蕭子雲春思詩詎能憐故素終為泣新縑曹植九愁賦愁慊慊而繼懷恒慘慘而情挽梁王僧儒擬上山採藤蕪詩迴持昔慊慊變作今悠悠梁元

帝送西歸內人詩昔時慊慊愁應去今日勞勞長別人魏文燕歌行念吾客遊多思暢慊慊思歸戀故鄉漢宣帝微時娶許廣漢女後即帝位將立后公卿皆心謀霍光女未有所言帝乃詔求微時故劍大臣知指白立許健仔為后鄭文公有賤妾曰燕信實天與與已蘭曰余為伯儵余而祖也以是為而子以蘭有國香人服媚之如是既而文公見之與之蘭而御之辭曰妾不才幸而有子將不信敢徵蘭乎公曰諾生穆公名之曰蘭后穆公有疾曰蘭死吾其死乎吾所以生也劉蘭而卒舜崩二妃泣之泪竹成班遂為班竹今湖廣永州府道州南五十里有班竹巖相傳二妃泣舜處

別日分明相約束已取宜家成誠勗當時擬弄掌中珠豈

謂先摧庭際玉悲鳴五里無人問腸斷三聲為誰續思君

欲坐望夫臺端居懶聽將維曲

馬梵賀人生子曰欣得掌上之珠王導謂謝安曰子弟亦何預人事而欲其佳曰如芝蘭玉樹欲使其生於庭

階耳揚虞卿過小妓英墓云別我已為泉下土思君猶  
如掌中珠則不惟以子言之也悲鳴二句見鄭安陽入  
蜀篇斷猿望夫臺在塞外信言王昭君所築庾信枯  
樹賦將雉集鳳比翌巢鷺臨風亭而疾鷓對月吹而吟  
後成公綏嘯賦又似鴻鴈之將雉群鳴弭乎沙漠潘岳  
笙賦含胡諱諧雍雍皆若群雉之從母也陳張正得  
梧桐棲威鳳詩丹山下威鳳來集帝梧中欲舞春花落  
將飛秋葉空影照龍門水聲入洞庭風別有將雉曲翻  
更合  
絲桐

沈沈落日向山低簷前歸燕並頭棲抱膝當窓聽夕兔側

耳空房聽曉雞舞蝶臨階祇自舞啼鳥逢人亦助啼

劉孝綽詩誰能對雙燕  
名夕兔古樂府野雞毛羽好不如家雞能報曉新人雖  
如花不如舊人能績麻梁庾肩吾冬曉詩隣雞聲已傳  
愁人竟不眠曹子建棄婦篇石槁植前庭綠葉搖標青  
丹華灼烈烈瓘彩有光榮光好燁流離可以處淑靈有  
鳥飛來集樹翌以悲鳴悲鳴夫何為丹華實不成樹心

長嘆息無子當歸寧有子月經天無子若流星天月相  
終始流星沒無精栖遲失所宜下與瓦石並憂懷從中  
來嘆息通雞鳴反側不能寐逍遙於前庭  
斗詩甚似此一段 瑤音崔上聲光明也

獨坐傷孤枕春來悲更甚娥眉山上月如眉濯錦江中霞

似錦

娥眉見疇昔篇濯錦江  
見送陳文林錦水註

錦字迴文欲贈君劍壁層峯自亂紛平江淼七分青清長

踏悠上間白雲

臧榮緒晉書竇滔妻蘇氏善屬文符堅時滔刺秦州被  
徙流沙蘇氏思之織錦為迴文詩寄滔循環宛轉讀之  
辭甚凄切劍壁即劍門見軍中行路難篇白雲見高四  
篇迴文詩云仁聖懷德聖虞唐真妙妙重榮章臣賢  
惟聖配美皇倫疋離飄浮江湘津河隔塞殊山梁民士  
感曠怨踏長身微閤已處幽房人賤為女有柔剛親所

懷想思誰望純清志索齊冰霜新故或億殊面墻春陽  
熙茂雕蘭芳琴清流楚激茲商奏曲發聲悲摧藏音和  
詠思惟空堂心  
憂增慕懷慘傷

也知京洛多佳麗也知山岫遙虧蔽無那短封即踈索不

在長情守期契

曹植名都篇名都多妖女京洛出少年韓非子佳麗也  
者邪道之分也戰國策宮中佳麗好玩又云趙天下善  
為音佳麗人之所出也嚴安疏佳麗珍怪順于耳目謝  
玄暉鼓吹曲江南佳麗地金陵帝王州逶迤帶綠水迢  
迢起朱樓曹植贈丁儀詩壯哉帝王居佳麗殊百城梁  
劉孝綽古意詩燕趙多佳麗白日照紅粧簡文洛陽道  
詩洛陽佳麗所沈約詩洛陽大道中佳麗實難比踈索  
猶蕭瑟也梁蕭子雲詩綠楊垂長溪便橋限清格相去  
能幾許一水終踈索言無寄  
書即思不在長守期約耳

傳聞織女對牽牛相望重河隔淺流誰分迢迢經兩歲誠

能脉脉待三秋情知唾井終無理情知覆水也難收不復

下山來借問更向盧家字莫愁

述異記天河之東有美麗女人乃天帝之子機杼女工  
年年勞後織成雲霧綃縑之衣辛苦殊無懼悅容貌不  
暇整理天帝憐其獨處嫁與河西牽牛之夫壻自后竟  
廢織衽之功貪權不歸帝怒責歸河東但使一年一度  
與牽牛相會古樂府迢迢牽牛星皎皎河漢女織織濯  
素手札札弄機杼終日不成章涕泣零如雨河漢清且  
淺相去詎幾許盈盈一水間脉脉不得語隋史賀若弼  
謂高類曰何脉脉耶註脉脉兩目相看不相親之意梁  
王僧儒為何人傷近而不見詩獨我一人幽寄一語唐  
異縣不成隔同鄉更脉脉如牛女幽幽寄一語唐  
人詩話千里井不反唾引南朝宋計吏馮到殘草於公  
館井中且自言相去千里豈當重來及其復至熱暘汲  
水遽飲不憶前所棄草草結其喉而死俗因相戒千里  
井不反到遂訛為唾耳然作唾字亦通太公先娶馬氏  
家貧馬氏求去聽之難收矣漢何進欲誅宦官弟何苗  
地令收之曰覆水已難收矣漢何進欲誅宦官弟何苗

謂進曰始共從南陽來俱以貧賤依省內致富貴國家  
事何容易覆水不收宜深思之且與省內和也梁武帝  
河水之中歌河中之水向津流洛陽有女名莫愁十三  
能織錦十四采桑南陌頭十五嫁作盧家婦十六生兒  
似呵侯盧家蘭室桂為梁中有鬱金蘇合香頭上金釵  
十二行足下絲履五文章珊瑚掛鏡爛生光平頭奴子  
拏履箱人生富貴何所望何不早嫁東家王今湖廣承  
天府漢江西石城有莫愁村云嘗進入楚宮未知孰是  
下山人見蕩子  
從軍賦題註

### 代女道士王靈妃贈道士李榮

玄都五府風塵絕碧海三山波浪深桃實千年非易得桑

### 田一變已難尋

十洲記玄洲有太玄都仙伯真公所治五府亦仙所居  
也碧海見高四篇齊威宣燕昭使人入海求蓬萊方丈  
瀛洲三山此求仙之始三山別有員海繞之水正黑謂  
之冥海無風而洪波百丈不可得往來上有九老仙人

九天真王宮蓋太上真人所居惟飛仙能到耳蟠桃蟠  
屈千余里千年一開花千年一結實食之令人長生西  
王母指東方朔謂漢武帝曰此桃三熟此兒已三偷之  
矣麻姑謂張方平曰自接待以來見東海三為桑田向  
到蓬萊水乃淺於往  
者豈復將為陵陸乎

### 別有仙居對三市金闕銀宮相向起臺前鏡裡伴仙娥樓 上簫聲隨鳳史

成都市一歲之中二月望日鬻花木蠶器於其地者曰  
蠶市五月鬻香藥於宮闈曰藥市鬻器用者曰七寶市  
謂之三市晉都洛亦有三市一在城西南一在城南一  
在城東此指成都言之也金闕銀宮見軍中贈先還知  
已篇王充論衡拜請不死藥於王母拜妻嫦娥竊以奔  
月是謂蟾蜍揚升菴云嫦娥因常儀占月而誤也古音  
皆以儀為娥音如蓼莪作蓼儀之類是也近世有詩云  
竊藥奔月計已窮藁砧應恨洞房空當時射日弓猶在  
何事無能近月宮此詩雖戲足破嫦娥之謬矣方言秦  
晉之間凡好而輕者謂之娥自閔而東河濟之間謂之

婦列子娥媼靡曼鳳史見蕩子篇江摠姬怨詩莫輕小  
去幸湏同不學蕭史還  
樓上會逐嫦娥戲月中

鳳樓迢迢絕塵埃鷲時物色正徘徊靈芝紫檢參差長仙

桂丹花重疊開

鷲時春時鷲鳴之時也檢芝莖也張鷟奏章云芝泥發  
彩宣鳳藻而騰文蘭檢浮香潤龍縑而動色註檢文書  
草也說文檢書署也蓋檢本芝蘭之莖葉書因檢束之  
義而以芝蘭美之耳參差長短不齊之貌詩參差荇菜  
仙桂見高四篇桂有丹  
黃白三種丹者為上品

雙童綽約時遊陟三鳥聯翩報消息盡言員侶出遨遊傳

道風光無限極輕花委砌惹裾香殘月窺窓覘幌色

顏脩內傳橋頭二子曰璋曰瑞師事仙人盧子基於隆  
慮山棲霞谷服飛龍藥一九千年不飢魏武帝詩西山

有雙童不飲亦不食莊子逍遙篇藐姑射之山有仙人  
居焉肌膚若冰雪淖約若處子不食五谷飡風吸露乘  
雲氣御遊龍而遊乎四海之外其神疑使物不庇屬而  
年谷熟註淖約柔弱貌又在宥篇淖約柔乎剛強註音  
昌畧反即綽也曹植飛龍篇晨遊太山雲霧窈窕忽逢  
二童顏色鮮好乘彼白鹿手翳芝草楚辭三鳥飛以自  
南覽其志而欲化頤寄言於三鳥兮去感疾而不得註  
三鳥本當時所見無定名也寄此鳥申其離思耳又郭  
憲洞真記武帝夢月臺有三青鴨化三小童皆著青綺  
文襦各握鯨文大錢五枚置帝几前身止輕重名輕影  
錢曹子建辨道論曰三鳥被致不如百官之美也註神  
仙至當有鳥先尊當以楚辭為正記后二事以廣異聞  
砌階石幌  
書帳也

箇時無數併妖妍箇裏無窮總可伶別有衆中稱黠帝天

上人間少流例洛濱仙駕啓遙源淮浦靈津符遠筮

黠帝謂天帝下黠為人猶言謫仙也仙駕見洛濱對雪  
憶謝二篇遠筮地名左傳楚遠越縊于遠筮註水邊土

人所止曰筵楚詞朝余馬兮江皋夕濟兮西筵聞佳人  
兮召予將騰駕兮借逝江文通效陸機詩流念辭南筵  
銜怨別西津或云郭璞筵則以筵作  
筵矣謬甚浦津字義俱見詠水題註

自言小小慕幽玄只言容易得神仙佩中邀勒經時序簫

裏尋思復幾年

韓詩外傳鄭交甫過漢皋遇二女祆服珮兩珠交甫與  
之言曰願請子之珮二女解珮與之去十步探之則亡  
矣迴顧二女亦不見楚詞遺余佩兮豐浦曹植神女賦  
頭誠素之先達解玉佩而要之簫裏尋思本鳳史意見  
蕩子篇

尋思許事真情變二八容華識少選漫道燒丹止七飛空

傳化石曾三轉

曹植美女篇借問女安居乃在城南端青樓臨大路高  
門結重閣容華曜朝暉誰不希令顏又釋詩篇南國有

佳人容華若桃李朝遊江北岸夕宿瀟湘汜又容華漢  
女官名秩比二千石尸子鬱攸之司九變七化皆火為  
之紀註靈丹九轉而成故不止七化也淮南子禹治水  
化為能以通輟轅之道塗山氏見之而慙遂化為石禹  
曰歸我子於是石破北方而啓生其石在嵩山見漢書  
註竟地即化石也劉義慶幽明錄陽羨小吏吳龕有主  
人在溪南嘗以一日掘頭舟過水溪內忽見一五色浮  
石取內林頭至夜化成一女子又武昌北山上有望夫  
石相傳貞婦從其夫遠役赴國難携弱子餓送登山立  
望化而為石又永州城南八十里有石如人即國志淮  
南王安敗至此化為石又如江即之石之類皆云  
化感皆襲說也詩栢舟篇我心匪石不可轉也

寄語天上弄機人寄語河邊值查客尔可念念共百年誰

使遥遥期七夕想知人意自相尋果得深心共一心

弄機指織女與值查客俱見高四篇韓安國傳安國始  
貴后稍疏下遷衛青等新幸有功益貴安國默默也又  
為虜欺失亡多甚自愧幸罷歸乃東徙屯  
意忽忽不樂數月嘔血死期七夕見前篇

一心一意無窮已投漆投膠非足儼只將羞澁當風流持  
此相怜保終始相怜相念倍相親一生一代一雙人  
不投丹心比玄石誰將濁水况清塵只言柱下留期信好欲將  
心學松薜不能京兆畫娥眉翻向成都騁驕引

膠漆見靈泉頌又古詩以膠投漆中誰能別離此曹植  
七哀明月照高樓流光正徘徊上有愁思婦悲嘆有余  
哀借問嘆者誰言是宕子妻君行踰十年孤妾常獨知  
君若清路塵妾若濁水泥浮沈各異勢會合何時諧願  
為西南風長逝入君懷君懷良不開妾身當何依尾生  
與女子期於橋下水至不去抱橋柱而死虞子陽詩寒  
露拂凌茗女蘿辭松柏薜榮不終朝蟬蛸豈見夕註薜  
木槿花朝生暮死也京兆娥眉見疇昔篇京兆誇註司  
馬相如貧困與臨邛令王吉友善往見之臨邛富人卓  
王孫聞令有客大為具席王孫有女文君新寡曉音樂  
相如因以琴心挑之文君夜奔相如遂與馳歸

青牛紫氣度靈關尺素頰鱗去不還連苔上砌無窮綠脩  
竹臨壇幾處班

青牛句見送陳文林陸道士篇浮氣註又漢武內傳封  
君達隴西人服黃連五十餘年入烏舉山服水銀百餘  
年還鄉里如二十年者常乘青牛故號青牛道士漢世  
書札相遺或以絹素疊成雙魚古樂府客從東方來遺  
我雙鯉魚上有長相思下有長相憶周弘讓答王褒書  
猶冀蒼鴈頰鯉時傳尺素清風明月但寄相思后世乃  
謂魚能傳書非也階石不行則有蒼苔江摠為姬怨詩  
自悲行處綠蒼生何悟啼多紅粉落靈運直中書省詩  
紅蕖當階翻蒼苔依砌上班  
竹見前篇啼痕上竹生註

箇時空林難獨守此日別離那可久梅花如雪柳如絲年  
去年來不自持初言別去寒偏在何悟春來春更思

空林句見蕩子篇題註何遜范雲聯句洛陽城東西却  
作經年別昔去雪如飛今來花似雪又梁元帝別詩門

前楊柳亂如絲直  
置佳人不自持

春時物色無端緒  
雙眠孤枕誰分許  
分念嬌鶯一種啼  
生憎燕子千般語  
朝雲旭日照青樓  
暉麗色滿皇州  
落花泛泛浮靈沼  
垂柳長長拂御溝

宋玉高唐賦楚襄王遊高唐夢美人曰妾巫山氏之神也朝為行雲暮為行雨朝朝暮暮巫山之下註朝雲喜晴暮雲喜雨故云朝雲暮雨詩春日遲遲暉日色也謝朓詩京洛佳麗遊春色滿皇州詩王在靈沼謝元暉賦吹曲飛薨夾馳道垂柳蔭御溝

御溝大道多奇賞  
侯客妖容迺來往  
寶騎車花鐵作錢  
香

輪驚水珠為網

侯客見孫長史篇置驛五侯註車花鐵作錢以鐵為花粧車也網當作輶車輪綠邊橫木也以鐵作珠釘飾之

令堅耐不磨也或曰如螢火賦所謂懸珠之網謂以珠為車帳然於香輪驚水之文欠通

香輪寶騎競繁華  
可憐今夜宿娼家  
鸚鵡杯中浮竹葉  
鳳

凰琴裏落梅花

繁華見疇昔篇鸚鵡螺名珠以為孟竹葉見送尹大詩琴之為言禁也以禁止邪心庖犧氏始造趙飛燕琴名鳳凰落梅古樂府曲其詞云念爾零落逐風飈徒有霜花無霜實

許輩多情偏送款  
為問春花幾時滿  
千回鳥語說眾諸  
百過鴛啼說長短

眾諸長短判不尋  
千回百過浪關心  
何曾舉意西鄰玉  
未肯留情南陌金

宋玉登徒子好色賦臣東家之子增之一分則太長減之一分則太短著粉太白施朱太赤此女登牆三年窺



馬子集詩卷之二  
臣臣至今未許此云西隣玉指宋玉也秋胡子久出遊  
歸遇婦人採桑於道以金遺之不受及歸乃其妻也南  
陌字見前  
篇莫愁註

南陌西鄰咸自保還轡歸期湏及早為想三春狹斜路莫

辭九折叩關道

江揔閨怨詩願君關山及早度念妾桃李片時妍阮嗣  
宗咏懷詩捷徑從狹路勉促荒淫古樂府有長安有  
狹邪之句故陸機梁武有長安洛陽狹斜機意言世路  
險狹邪僻正直之士無所措手足武帝行已見春霽早  
行篇調中婦註又隋後主越王侗楊叛兒歌青春正陽  
月結絆蹶京華龍驤玉珂馬鳳軫繡香車水映臨橋樹  
風吹夾路花日昏歡宴罷相將  
歸狹斜九折見費六還蜀篇

假令白里似長安肯使青牛學劍端蘋風入馭來應易竹  
杖成龍去不難

蘋風見淄州毛司馬秋九詠掩青蘋遊清  
風陶陽氣蕩春心竹杖成龍見出石門篇

龍駭去去無消息鸞鏡朝朝減容色君心不記下山人妾  
欲空期上林翼

宋范泰鸞詩序罽賓王養一鸞三年不鳴夫人曰鸞見  
類則鳴懸鏡照之中霄一奮而絕今徐州人畫鏡乃曰  
鸞鏡不知何義瑞應番鸞者赤神之精鳳凰之佐雞身  
赤毛色被五采鳴中五音人君進退有度親疎有序則  
至或以鸞為鳳非也下山人見上篇上林豈用蘇武事  
見蕩子篇一鴈註石崇昭君詞願設飛鴻豈乘之以遐  
征飛鴻不我顧  
佇立以屏營

上林三月鴻欲稀華表千年鶴未歸不分淹留桑路待祇  
應直取桂輪飛

華表見紫雲觀篇梁吳筠古意詩賤妾思不堪採桑渭  
城南帶減連枝繡髮亂鳳凰簪又曹植美女篇美女妖

且閑采桑岐路間又帝京篇羅敷註  
桂輪見又戍邊城篇桂滿夕輪孤註

### 憶蜀地佳人

東西吳蜀關山遠魚來鴈去兩難聞莫怪嘗有千行淚只

### 為陽臺一片雲

梁吳筠別夏侯故章詩新知關山別故人河梁送沈約  
送友人詩君東我亦西街悲涕如霰江惣別袁昌州詩  
宕子嘆愁窮此別異西東關山嗟墜葉岐路憫征蓬別  
鶴聲聲遠愁雲處處同關山見宕子篇魚鴈見上篇庾  
信寄王琳詩玉關道路遠金陵信使踈獨下千  
行淚開君萬里書陽臺一片雲見上篇朝雲註

### 駱子集註卷之二終

